



說文解字第一義證第三

曲阜桂馥學



屮 艸木初生也象一出形有枝莖也古文或以為艸

字讀若徹凡艸之屬皆從屮說切丑列

艸木初生也者本書蚩從屮云屮財見也財即才字

才艸木之初也又齒從屮屮上進之義象一出形

有枝莖也者當云象出形以有枝莖也韻會引徐鍇

本象屮出形馥案本書出出也象艸過屮枝莖益大

初有尹

說文解字第一義證第三

有所止錯繫傳云中從引而上行音進艸始脫乎甲未

有歧根 古文或以為艸字者洪範庶艸蕃廡古文

尚書作中荀子富國篇刺中殖穀楊倞注中古艸字

史記司馬如傳揜艸蔽地漢書作中禮樂志中木零

落地理志中繇木條董仲舒傳朱中生晁錯傳中茅

臣叙傳天造中昧顏師古並云中古艸字高 彪碑

獄犴生中隸釋云以中為艸 讀若徹者本書徹通

也廣韻徹達也 尹彤說者本書叙云孝平時徵百

餘人今說文字未央廷中又云博采通人

艸

難也象艸木之初生屯然而難從中貫一一地也

尾曲易曰屯剛柔始交而難生陟倫切

難也者廣雅屯難也幽通賦紛屯遭與蹇連兮曹大

家曰屯難也東都賦紹百王之荒屯言百王屯難之

後而光武繼之本書柀從此古文從又又行遲曳又

又馥謂又亦行難也 象草木之初生屯然而難者

集韻引云象艸初生屯然而難別易序卦屯者萬物

知不共

之始生也唐盧氏注物之始生故屯難本書皆從此
春艸初生亦難意尾曲者象其根本書子上貫一
下有根象形易曰屯剛柔始交而難生者屯卦彖
文

毒

艸盛上出也從中母聲

武罪切

艸盛上出也者僖二十八年左傳原田每每杜注喻
晉美盛若原田之草每每然字或作莓文選魏都賦
蘭渚莓莓李注莓莓草青蒼也或借媠字魏都賦

媠媠垌野李注媠媠美也廣雅媠媠肥也母聲者

本書媠從母讀若母又同讀若艸母之媠淮南子以
天為父以地為母陰陽為經四時為紀蔡邕崔夫人
誄昔在敬姜陪臣之母勞謙紡績仲尼是紀或讀每
為媠海從每得聲陸機漢高祖功臣頌以海韻舉是
也

毒

厚也害人之艸往往而生從中從毒

徒沃切

本書楚人謂藥毒曰痛痢朝鮮謂藥毒曰癆易師卦

豕以此毒天下干寶曰毒荼苦也夫毒太陽之熱氣也
 厚也者毒厚聲相近本書跌蛇蝮毒長也長亦厚意
 覃長味其字從昂是也國策非能厚勝之也韋注厚
 猶大也昭四年左傳天或者欲逞其心以厚其毒周
 語厚味實腊毒韋云味厚其毒亟也中庸故天之生
 物必因其材而篤焉鄭注言善者天厚其福惡者天
 厚其毒漢書張騫傳身毒國顏云今之天竺馥案竺
 亦厚也宜另行寫害人之草往往而生者論衡言毒篇草本之

中有巴豆治葛食之湊懣頗多殺人夫毒太陽之熱
 氣也天下萬物含太陽氣而生者皆有毒螫故治在
 東南巴豆在西南馥案本草中下品藥草多毒 從
 毒者王君念孫曰繫傳作從中毒聲又祛妄篇云毒
 說文從中毒聲陽冰云從中從母母出地之盛從土
 土可制毒非取毒聲毒烏代反臣錯按母何得為出
 地之盛方說毒而言土可制毒為不類矣念孫按今
 說文無聲字者徐鉉以李陽冰云毒字非取毒聲毒

鳥代反故削之也不知毒有代音與毒聲相近漢書
地理志多屏象毒冒珠璣顏師古曰毒音代是也陽
冰不得其解而改為從中從母從土徐鉉又改為從
中從毒竝非

𦵏 古文毒從刀當

徐鍇繫傳曰竹亦有毒者南方有竹傷人則死當聲也
審徐說則蒚本從竹作蒚 廣韻當竹名蒲角切 異
物志有竹曰當其大數圍節間相去局促中實 竹譜

當與由衙厥體俱洪圍或累尺當實衙空南越之居梁
柱是供注云當竹安成以南有之其味苦俗號當由篁
性柔弱見三蒼韻謂從刀當當作從刀當 山海經雲
山有柱竹甚毒傷人凶死 文選吳都賦篁筍有叢五

臣筍竹有毒刺獸中之則必死 竹譜百葉參差生於
南垂傷人則死醫莫能治亦曰筍竹厥毒若斯 集韻
筍筍竹名一枝百葉有毒如董 寰宇記臨賀縣筍竹
有毒人以為觚刺虎中之

列小柱 竹必

知竹

刻有短刀當其按索付竹當奉
書筍竹必由竹筍厚也按筍
筍百毒兼用亦近按按竹必

諧考 此說

自此以後本及多字多依原本
合說文第之

艸初生其香分布从艸从分分亦聲 撫文切

其香分布者芬聲相近玉篇作芬布

𠄎 芬或从艸

𠄎 茵光地草叢生田中从艸六聲 力竹切

案篆當作𠄎中橫左右垂下

𠄎 橫左右垂下

茵光地草叢生田中者本書草桑英也英木耳此生

於木者也𠄎生於土故曰地草釋中𠄎茵郭云地草

也今江東名為土茵亦曰𠄎厨馥按𠄎或作遠舍人

爾雅本作鳩𠄎鳩聲相近

𠄎 籀文光從三𠄎

本書陸字

籀文從此

𠄎 火煙上出也從中從黑中黑熏象也 許云切

火煙上出也者列子湯問篇聚柴積而焚之燻則烟

上陸機演連珠臣聞尋煙染芬熏自猶芳 中黑熏

列作息

說文解字義登 卷三

象也者本書黑火所熏之色也從炎上出四馥謂炎上出出四四如艸之土所以為熏象

文七

重三

艸

百艸也從二中凡艸之屬皆艸倉老切

論衡地性生艸山性生木

百艸也者方言艸艸也詩四月百卉具腓從二中者

論衡草初生為中二中為艸三中為艸四中為艸言

其生之繁蕪也

中壯

上諱側羊切

玉篇莊草盛兒

釋宮六達謂之莊孫炎曰莊盛也道

煩盛馥謂因草盛得為盛義上諱者東觀漢記孝明

皇帝諱陽一名莊袁山松後漢書明皇帝諱陽一名

莊字子麗馥案明帝初名陽封東海王立為皇太子

改名莊伏侯古今注莊之字曰嚴曹植觸髀說慕嚴

周之適楚即莊周也嚴君平嚴助皆莊姓改為嚴韋

昭注國語凡莊皆為嚴漢已革命猶為之諱聲類莊

說文解字義疏 卷三
嚴也趙宦光曰說文諱本朝諸帝而畧西京猶禮所謂逮事父母則諱王父母不逮事父母則不諱王父母

𦵏 古文莊

汗簡引作𦵏

𦵏 在本曰果在地曰蒹從艸從蒹郎果切

詩東山果臝之實臝即此蒹本書蒹蒹萋果臝也臝當

作蒹瓜瓜也此字小徐本作蒹亦當作蒹 應劭漢官儀太官令有果

莽

丞掌果蒹菜茹 周書神農為耒耜鉏耨以墾草莽然

後五穀興以助果蒹實 郊特牲天子樹瓜華注云華

果蒹也 天官甸師共野果蒹之薦注云果桃李之屬

蒹瓜瓠之屬 地官場人掌國之場圃而樹之果蒹珍

異之物注云果枣李之屬蒹瓜瓠之屬 程君瑤田曰

高誘注呂氏春秋曰果臝也散文則果臝二字異義說

文臝作蒹以字言之在木上曰果別果於木則謂草實

曰蒹馥按莊子人間世夫柎梨橘柚果蒹之屬實熟則

剝剝則辱大枝折小枝泄韓子孔子侍坐於魯哀公設
桃具黍孔子曰今以五穀之長雪果蒹之下是侵上忽
下也馥謂桃及粗梨橘柚皆果屬俛果蒹者連文也

在木曰果在地曰者齊民要術太平御覽並引作在
艸曰蒹篇海引作在蔓曰蒹既夕記不食菜果注云
實_蒹在木曰果在地曰蒹呂氏春秋貴信篇華不盛則
果實不生注云在木曰果在地曰蒹晉書音義在木
曰果在地曰蒹班馬字類史記貨殖傳果隋羸蛤不

待賈而足隋正義徒火反漢書地理志作蒹郎果反
說文木上曰果地上曰蒹馥案易為果蒹京房本作
果墮史記省為隋今本作陌彌俗也易說卦為果蒹
宋衷曰木實謂之果草實謂之蒹桃李瓜瓞之屬釋
文云馬云果桃李之屬蒹瓜瓞之屬說文云在木曰
果在地曰蒹漢書食貨志瓜瓞果蒹應劭曰木實曰
果草食曰蒹張晏曰有核曰果無核曰蒹臣瓚曰按
木上曰果地上曰蒹也急就篇園菜果蒹助米糧顏

初州

知以巨火

知以苗

注木實曰果草實曰蕨呂氏春秋五月紀果實早成
淮南主術訓曰夏取果蕨高注並云有核曰果無核
曰蕨 從瓜者徐鍇本作瓠聲馥業張衡鮑德謀業
業學徒童蒙求我濟濟京河實為西魯與瓠聲似同
例

艸 神艸也從艸出聲 止而切

釋草直灌茵郭注芝一歲三華瑞草釋文云聲類云直
灌茵芝也 論衡芝生於土土氣和故芝艸生 孫氏

瑞應圖芝草常以六月生春青夏紫秋白冬黑 本草

赤芝生霍山黑芝生常山青芝生泰山白芝生華山黃

芝生嵩山紫芝生高夏山谷陶云六芝皆仙草之類

漢舊儀芝有九莖金色綠葉朱實夜有光 後漢書馮

衍傳食五芝之茂英注云茅君內傳曰句曲山上有神

芝五種一曰龍仙芝似交龍之相負服之為太極仙鄉

第二名參成芝赤色有光其枝葉如金石之音折而續

之即復如故服之為太極大夫第三名燕胎芝其色紫

形如葵葉上有燕象光明洞徹服一株拜為太清龍虎
仙君第四名夜光芝其色青其實正白如李夜視其實
如月光照洞一室服一株為太清仙官第五名曰玉芝
剖食拜三官正真御史 抱朴子僊藥篇草芝有獨搖
芝無風自動其莖大如手指赤如丹素葉似莧其根有
大魁如斗有細者如雞子十二枝周繞大根之四方如
十二辰也相去丈許皆有細根如白髮以相連生高山
深谷之上其所生左右無草牛角芝生虎壽山及坂上

狀似蔥特生如牛角長三四尺青色龍仙芝狀似昇龍
之相負也以葉為鱗其根如蟠龍麻母芝似麻而莖赤
色花紫色珠芝其花黃其葉赤其實如李而紫色二十
四枚輒相連而垂如貫珠也白符芝高四五尺似梅常
以大雪而花季冬而實朱草芝九曲曲有三葉五德芝
狀似樓殿莖方其葉五色各具而不雜上如偃蓋中有
甘露紫氣起數尺矣龍御芝常以仲春對生三節十二
枝下根如坐人凡此草芝有百二十種 楚詞九歌采

三秀分於山間注云三秀謂芝草也馥紫稽康憂憤詩
煌煌靈芝一年三秀後漢書張衡傳異一年之三秀分
注云三秀芝艸也 漢書武帝本紀甘泉宮內中產芝
九莖連葉如淳曰瑞應圖王者敬事耆老不失舊故則
芝草生 論衡驗符篇建初三年零陵泉陵女子傳寧
宅土中生芝草五本長者尺四五寸短者七八寸莖葉
紫蓋紫芝也 古今注建初五年芝出潁川常以六月
中生一葉五歲五重春青夏紫秋白冬黑十月後黃出

土尺五寸 孝經援神契王者善養老則芝草茂 白
虎通德至山陵則芝實茂 宋書符瑞志芝草王者慈
仁則生食之令人度世 藝文志黃帝雜子芝菌十八
卷 黃帝內傳王母授神芝圖十二卷 水經注黃帝
登具茨之山授神芝圖於黃蓋童子 隋書經籍志芝
草圖一卷種神芝一卷

神州也者神農本草山川雲雨五行四時陰陽晝夜
之精以生五色芝神遁甲開山圖神芝五色生於名山

之陰五色雲氣覆之博物志名山生神芝不死之草
上芝為車馬中芝為人形下芝為六畜楚詞七諫拔
擧玄芝兮注云玄芝神草也衡山記衡山芝草岡有
神芝靈草繆襲神芝贊序青龍元年神芝生其色丹
紫其質光耀其長尺有八寸五分其本圍三寸有三
分上別為三幹分為九枝散為二十六莖圍則一寸
九分葉徑二寸七分其幹洪纖連屬有似珊瑚之形
從土者徐鍇本作土聲鍇繫傳云此當言亦聲寫

誤少亦字馥謂作土聲者是也

芝

芰蒲瑞艸也堯時生於庖厨扇暑而涼從艸是聲

士洽切

芰蒲瑞艸也者孝經援神契王者德至山陵則澤阜
出芰蒲春秋潛潭巴君臣和得道度叶中則芰蒲生
於庖厨陸機羽扇賦蓋受則於芰蒲 堯時云云者
涼當為飄徐氏瑞應圖芰蒲王者不徵滋味庖厨不
踰深盛則生於厨一名倚扇一名實閭一名倚芰生

說文解字新詁 卷三
如蓮枝多葉少根如絲轉而風生主於飲食清涼駢
殺蟲蠅堯時冬死夏生舜時生於廚金樓子興玉篇
堯有芰蒲蓂莢之瑞白虎通芰蒲者樹名也其葉大
如門扇不搖自扇於飲食清涼助供養也三國志注
載魏文帝令云芰蒲未生庖廚靈瑞未效

芰

用芰蒲也從艸甫聲

方矩切

或作脯論衡是應篇儒者言芰脯生於庖廚者言廚中
自生肉脯薄如芰形搖鼓生風寒涼食物使之不臭太

平御覽引帝王世紀堯時廚中自生肉脯薄如芰搖則
風生使食物寒而不臭名曰芰脯竹書注廚中自生肉
其薄如芰搖動則風生食物寒而不臭名曰芰脯

芰

赤苗嘉穀也從艸蒙聲

莫奔切

赤苗嘉穀也者詩魏風毛傳云苗嘉穀也本書瑞禾
之赤苗謂之蒙言瑞玉色如之又瑞色如蒙故謂之
瑞蒙禾之赤苗也詩生民維糜維芑傳云糜赤苗也
釋文云糜音門爾雅作莖同郭公偉反馥案詩鳧鷖

在疊卽爾雅之疊齊民要術引爾雅作蒙郭音止偉
反者易云定天下之亶亶者讀如媿其字亦從疊也
夢溪筆談稷之瑞色者謂之糜糜字音門以其色命
之也詩有糜有芑今秦人音糜聲之訛也馥紫糜又
作床集韻床壤也地名在今秦州六書故鄭剛中曰
岐山之陽種床九盛俗書糜為床米類稷可麩可餅
西人飽食非床猶飢將家云出戰糗糧乾不可食嚼
床畔糲則津液生餘物皆下咽士卒用小囊盛糞馬

上遇水漬之尤美又床者自外而內又麥者自內而
外蓋床以寒孰麥以暎孰故也寰宇記雍州貢紫稈
粟新唐書地理志京兆郡貢紫稈粟馥謂此皆言麥
生於秦故云秦地宜禾也釋草蔓赤苗郭云今之赤
梁粟玉篇詩云糜赤苗也卽今赤梁粟也廣志遼東
進赤梁魏武帝以為御粥北齊藉田種赤梁見隋書
禮儀志

𦉳

小赤也從艸合聲

都合切

小赤也者廣雅小豆荅也晉書志九章商功法程菽
荅麻麥一斛積二千四百三十寸

豆

豆莖也從艸其聲

渠之切

豆莖也者漢書楊惲傳種一頃豆落而為萁顏曰萁
豆莖也潘岳馬汧督誅萁稈空虛顧炎武曰戰國策
張儀說韓王曰五穀所生非麥而豆民之所食大抵
豆飯藿羹姚宏注曰史記作飯菽而麥下文亦作菽
古語但稱赤漢以後方謂之豆今按本草有赤小豆

大豆之名本草不皆神農所著越絕書丙貨之戶曰
赤豆為下物石五十已貨之戶曰大豆為下物石二
十越絕書亦非子貢所作馥紫本書菽俗從豆是許
公亦以豆非古稱也又紫箕或作萁孫子作戰篇萁
秆一石杜注萁豆稽也本書蹠異皆長跪是其其忌
聲近

菽

赤之少也從艸霍聲

虛郭切

大戴禮曾子制言篇聚椽粟藜藿而食之盧辯注藿豆

汜勝之書種小豆於瓜中其藿可賣 楚詞蓼蟲不徙
乎葵藿王注言蓼蟲處辛辣食苦惡不徙葵藿食甘美
者也 曹植求通親親表葵藿之頃葉太陽 潘岳閒
居賦時藿向陽 盧諶時興詩忽忽歲云暮游原采蕭
藿 晉書霍原傳時有謠曰天子在何許近在豆田中
王浚以豆為收原斬之王隱晉書山賊意欲劫霍原謂
豆者霍也 易林旦種穀豆暮成藿羹 俗說王東亭
當之吳郡就汰公宿列汰公設豆藿糜 傳玄詩廚人

及進藿茹

赤之少也者阮籍詠懷詩秋風吹飛藿李善引本書
藿豆之葉也本書穉幼禾也幼即少也廣雅豆角謂
之莢其葉謂之藿名醫別錄豆葉名藿韓策民之所
食大抵豆飯藿羹鮑注藿菽之少者公食大夫記牛
藿注云藿豆葉也詩七月亨葵及菽釋文云菽藿也
采菽箋云菽大豆也采之者采其葉以為藿小宛中
原有菽傳云菽藿也正義云菽大豆故禮記稱啜菽

飲水菽葉謂之藿白駒食我場藿傳云藿猶苗也楚
詞九歎耘藜藿與藁荷王注藿豆葉也漢書鮑宣傳
漿酒霍肉顏曰霍豆葉也

鹿藿之實名也從艸犭聲救久切

鹿藿之實名也者名字衍玉篇菴鹿藿實本書藜鹿
藿也梁簡文帝勸醫文鹿藿止救頭痛之瘡釋園草
鹿藿其實菴郭云今鹿豆也葉似大豆根黃而蔓延
生本草鹿藿唐本注云苗似豌豆有蔓而長大人取

以為菜亦微有豆氣名為鹿豆也

禾粟之采生而不成者謂之童節從艸郎聲魯當切

禾粟云云者釋草稂童梁郭云稂莠類也論語秀而
不實者有以夫詩下泉浸彼苞稂傳云稂童梁陸機
疏云禾秀為穗而不成崩嶷然謂之童梁大田不稂
不莠傳云稂童梁也釋文引本書禾粟之莠生而不
成者謂之童節也爾雅釋文亦作莠諸書秀字多作
莠此謂禾粟之秀漢諱秀故本書作禾魯語馬餼不

過稂莠韋注稂童稂也莠草似稂而無實馥案程君
瑶田有說見本書良下

稂

節或或從禾

詩大田釋文童梁草也說文作節云稂或字也

稂

禾粟下生莠從艸秀聲讀若酉

與久切

書仲虺之誥若苗之有莠月令藜莠蓬蒿並興抱

朴子荆棘叢於庭宇蒿莠塞乎階雷詩大田不稂不

莠傳云莠似苗也論語惡莠恐其亂苗也註注云莠

之莖葉似苗馥案益鐵論農夫不畜無用之苗無用之

苗苗之害也鉏一害而衆苗成鉏所以別苗也韋昭

注魯語莠草似稷無實昭又有問答甫田維莠今何草

答今之狗尾也程君瑶田曰禾一本惟一莖一穗莠一

本或數莖多至五六穗穗多芒類狗尾俗呼狗尾草

夏小正四月莠幽說者云莠幽即莠萋案魏策幽莠之

幼也似禾則莠幽不宜破字襄三十年左傳過伯有

氏其門上生莠晉王如作亂令人種禾禾變為莠軍敗

禾粟下生莠者徐鍇本作禾粟下揚生莠鍇繫傳曰
粟下揚謂禾粟實下播揚而生出於粟秕馥案本書
邠城父有揚蒿亭揚浮也秕輕而浮故謂之揚下者
秋官雉氏注云今俗間謂麥下為夷下言芟夷其麥
以其下種禾也馥謂禾粟下猶麥下也漢書酷吏傳
莠盛苗穢何可不鉏也顏曰莠秕穀所生也農桑輯
要穀種浮秕去則無莠此皆言揚生莠徐鉉削一揚
字而義不了矣

中巴 泉實也從艸肥聲房未切
廣雅葩蒺也蒺當為蒺 聲類油油麻肥也馥謂葩故
從肥莊子顏闔守陋閭苴布之衣 劉向上晏子序晏
子衣苴布之衣

泉實也者釋草文彼作廣詩九月叔苴傳云苴麻子
也盧君文昭曰呂氏春秋尊師篇織葩屨結罝網捆
蒲葦案葩是華蒺之名不可為屨此必葩字之譌說
文葩泉實也蓋麻泉可以為屨後人所謂麻屨是也

新州

新州

初則

馥棗齊民要術種麻種麻子各為一物以棗為牡麻
以肥為麻子最為明皙肥聲者聲類油油麻肥也



肥或從麻賁

從麻賁者賁文章也易叙卦賁飾也鄭注文飾之貌
月令於秋則食麻鄭云麻實有文理馥謂此從賁之
義也淮南說林訓賡燭痛膏澤燭四民月令苴麻麻之
有蘊者苴麻是也一名賡列子陽朱篇宋國有田夫
常衣蘊賡淮南說山訓見賡而求成布高注賡麻之

有實者或借賁字周禮司烜氏共墳燭鄭注故書墳
為賁鄭司農云賁燭麻燭也喪服苴經者麻之有賁
者也馬融注賁者泉實泉麻之有子者地官草人疆
槩用賁鄭司農云賁麻也天官籩人朝事之籩其實
禮賁考工記弓人牛筋賁濇注並云賁泉實也有司
徹禮賁少牢饋食禮禮賁坐設於豆西注並云賁熬
泉實也內則注同釋文云賁字又作賡徐扶畏反大
麻子本草麻賁一名麻勃此麻花上勃勃者唐本注

云蕒即麻實非花也

𦉳麻母也從草子聲一曰茅即泉也疾吏切

麻母也者釋艸文監本爾雅作茅郭注云苴麻盛子者釋文作茅云孫音嗣說文作茅云即泉也盛音成馥謂麻有稭甲包裹以盛其子茅即桴甲故曰麻母玉篇茅與茅同監本茅蓋茅之譌

蕒茅也從艸異聲羊吏切

玉篇蕒連翹草釋艸連異翹本艸蘇恭注云子作房翹

出衆艸據此則連翹名蕒以其房也因蕒為麻房借作

藥名

桂荏也從艸蘇聲素孤切

內則雉薺無菘注云薺蘇荏之屬也 玉褒僮約園中

拔蒜斲蘇 七發秋黃之蘇白露之茹崔駰七依鬯酒

蘇漿韋琳組表方當鳴蘊動椒紆蘇佩橦 寰宇記夏

州土產蘇

桂荏也者徐諧本作蘇桂荏釋草本文也郭云蘇荏

類故名桂桂本草蘇恭注蘇從蘇舒暢也蘇性舒暢行氣和血故謂之蘇蘇乃桂類而味辛如桂故爾雅謂之桂桂通志爾雅曰蘇桂桂此紫蘇也葉實俱良方言蘇亦桂也關之東西或謂之蘇或謂之桂顏注急就篇蘇一名桂桂後漢馬融傳桂桂皂葵

桂

桂從艸任聲如甚切

齊民要術桂性甚易生園畔漫擲便歲歲自生矣收子壓取油可以煮餅六書故桂白蘇也子如粟米可食

亦可壓油

廣雅薺嘗桂蘇也

方言蘇長沙人謂之

薺

桂桂蘇者當云桂蘇衍桂字蓋蘇類桂故名桂桂類桂蘇故名桂蘇非桂有桂桂之名也廣雅薺嘗桂蘇也子味辛温陶云桂狀如蘇高大白色不甚香其子研之雜米作糜甚肥美東人呼為蕪以其似蘇字但除禾邊故也

菜

菜也從艸矢聲

失比切

菜也者玉篇廣韻並云芙蓉也

芑菜之美者雲夢之芑從草豈聲 驅喜切

菜之美者雲夢之芑者呂氏春秋本味篇菜之美者雲夢之芹芹豈聲相近廣韻芑菜似蕨生水中或借芑字詩采芑傳云芑菜也陸疏芑菜似苦菜也莖青白色摘其葉白汁出脆可生食亦可蒸為茹青州人謂之芑西河鴈門芑尤美王楙農書以芑為石苣嘉祐本草謂之白苣食療本草白苣似蒿苣葉有白毛

李氏綱目云葉色白折之有白汁

葵也從艸葵聲 彊惟切

菜也者一切經音義葵菜也隨日者也齊民要術種葵法春必畦種畦省地而菜多一畦供一口尹都尉書有種葵篇北史蕭大圜曰露葵徵尹君之錄本草圖經冬葵苗葉作菜茹更甘美列女傳魯漆室女傳昔晉客舍吾家繫馬園中馬佚馳走踐吾園葵使我終歲不食葵史記循吏公儀休傳食茹而美拔其園

葵而棄之成十七年左傳仲尼曰鮑莊子之知不如
葵葵猶能衛其足杜云葵傾葉向日以蔽其根家語
正論解葵猶能衛其足王注葵傾葉隨日轉故曰衛
其足也急就篇葵韭蔥藟蘇薑顏注葵衛足之菜
傾葉而蔽日者也士虞禮夏秋用生葵繆襲祭儀夏
祀和羹芼以葵陳啓源曰七月詩亨葵傳箋正義俱
無訓釋陸氏埤雅以紫莖白莖葵當之其說允矣紫
本草入本經上品古人種為常食有紫莖白莖二種

以白莖為勝大葉小華華紫黃色其最小者名脚鴨

葵子輕虛如榆英仁四時皆可種經年收采有冬葵
春葵秋葵之名王楙農書葵陽草也其菜易生備四
時之饌本豐而耐旱味甘而無毒蔬茹之要品也今

刻外早

人不復食之亦無種者觀此可見古人食葵以斯種
為正幽風所亨定指此菜後世如宋玉賦曹植七啟
王維詩所謂露葵皆是物也齊民要術言種葵法摘
必待露解收必待霜降葵以露名豈以此乎

刻印即薑有異字而不與

薑

御溼之菜也從艸疆聲居良切


春秋運斗樞旋星散為薑失德逆時即有異辛而切不臭也馥紫臭謂氣味也 本草薑生犍為川谷及荊州揚州圖經云今處處有之苗高二三尺葉似箭竹葉而長兩兩相對苗青根黃無花實 呂氏春秋本味篇和之美者陽樸之薑韓詩外傳夫薑桂因地而生不因地而辛 史記司馬相如傳苾薑蕤荷索隱曰張揖云苾薑子薑也素四民月令生薑謂之苾薑音紫漢書注如

如淳曰苾薑上齊也顏曰薑之息生者連其株本則紫色也 急就篇欵東貝母薑狼牙顏注薑謂生薑乾薑也 論語不徹薑食孔安國曰齋禁薑物薑辛而不薰故不去也

御溼之菜也者禦當為御齊民要術引字林薑御溼之菜抱樸子僊葯篇引孝經援神契椒薑御溼急就篇葵韭蔥齏蓼蘇薑顏注御溼菜也辛而不葷故齋者不徹焉李時珍曰薑搗汁和黃明膠熬貼風濕痛

御山徐本作御
口之也仍之以御
可澄不當作御

甚妙孟詵曰蘊去水氣滿徐鉉曰蘊可以止腹痛治
脚下溼

 辛菜蓄虞也從艸琴聲 盧鳥切

劉向別錄尹都尉書有種蓼篇 四民月令肯可種蓼

夏小正五月啓灌藍蓼 急就篇葵韭蔥齷蓼蘇薑

韓保昇本草蓼有七種曰青蓼香蓼馬蓼水蓼紫蓼赤

蓼木蓼紫赤二蓼葉小狹而厚青香二蓼葉相似而薄

馬水二蓼葉濶大有異點

劉作黑 有木蓼一名天
蓼 蔓生葉似柘葉

辛菜者詩小苾予又集于蓼傳云言辛苦也正義云

蓼辛苦之菜禮記內則膾秋用蓼淮南子蓼菜成列

楊震種蓼以供食母曹植籍田賦好辛者植乎蓼任

昉述異記菜之辛者謂之蓼長沙定王故宮有蓼園

本草水蓼唐本注云葉似蓼莖赤色味辛又云蓼實

生雷澤川澤陶云此類又多人所食有三種一是紫

蓼相似而紫色一名香蓼亦相似而香並不甚辛而

好食一是青蓼人家常有其葉有圓者共者古今注

前小類下同

茶藜也紫色者茶也青色者藜也其味且苦長食明目或謂紫葉者為香茶青者為青茶亦謂紫色者為紫藜青色者為青藜其長大不苦者為馬藜李時珍曰古人種藜為蔬後世飲食不用惟麵用其汁六書故藜平菜也其類不一多節者味辛古人以和羹今人以為麵 藜虞也者釋草藜虞藜郭云虞藜澤藜孫炎云虞藜即澤之所生某氏云藜一名虞藜太平御覽引吳普本草藜實一名澤藜馥案諸說皆以藜

名虞藜詩良耜以媻茶藜傳云藜水草也水草亦虞藜顏注急就篇藜有數種葉長銳而薄生於水中者曰水藜葉圓而厚生於澤中者曰澤藜一名虞藜亦謂之藜而許叔重云藜一名藜虞非也馥謂爾雅師讀各異所未能詳

藜

菜也從艸祖聲則古切

菜也者廣雅藜藜也古今注荆揚人謂藜為藜左思蜀都賦樊以藜圃李善引埤蒼藜藜也馬融廣成頌

說文解字卷之九

注菹其根似茅根可食名醫別錄菹味辛蘇恭云葉似蕎麥肥地亦能蔓生莖紫赤色多生濕地山谷陰處山南江左人好生食之關中謂之菹菜北戶錄菹秦人謂之菹子南都賦若其園圃則有菹菜荷李云風土記曰菹香菜根似茆根蜀人所謂菹香菹與菹

同

蒙菜也似蘇者從艸蒙聲

疆魚切

菜也者詩薄言采芑陸疏云芑似苦菜莖青白色摘


其葉白汁出脆可生食亦可烝為茹初學記引夏小正采芑注云遠也當為蒙齊民要術引詩義蒙苦葵青州謂之芑

薇菜也似藿從艸微聲

無非切


菜也者公食大夫禮釧芻牛藿羊苦豕薇皆有滑詩草蟲陟彼南山言采其薇傳云薇菜也陸璣疏云山菜也莖葉皆似小豆蔓生其味亦如小豆藿可作羹亦可生食今官園種之以供宗廟祭祀項安世曰薇

今之野豌豆也莖葉芡實皆似豌豆而小莢可菹蜀人謂之小巢菜豌豆謂之大巢馥菜大巢即釋艸柱夫搖車郭注蔓生細葉紫花可食今呼翹搖車本草拾遺云幽州謂之苕搖又引詩義疏苕饒幽州人謂之翹饒即詩所云邛有旨苕


 籀文薇省

 菜也從艸唯聲以水切

菜也者廣韻似馬韭而黃可食

 菜類蒿從艸近聲周禮有苽菹巨巾切

菜類蒿者玉篇苽菹蒿也周禮有苽菹者徐鍇本句未有是字天官醢人加豆之實芹菹兔醢釋文云芹說文作苽范汪祠制孟夏秋有芹菹

 菜也從艸釀聲女亮切

菜也者集韻艸名菜蘇也廣雅穰菜菹蘇也方言蘇其小者謂之蘘菜郭注苽菜也亦蘇之種類馥謂是鷄蘇也本書苽讀若釐徐鍇謂釐菜音同齊民要術

引詩義疏譙沛人謂雞蘇為菜直音菜香菜菜篇海云菜與蒿通馥謂即本草之香蒿

艸

菟菜也從艸見聲

侯澗切

釋艸菁亦菟郭注今菟菜之赤莖者 本草菟實一名莫實唐本注疑莫字誤圖經云菁菟有六種有人菟赤菟白菟紫菟馬菟五色菟馬菟即馬齒菟也人白二菟亦謂之糠菟亦謂之胡菟亦謂之細菟其實一也但人菟小而白菟大耳紫菟莖葉通紫吳人用染菜瓜者赤

菟亦謂之花菟莖葉深赤爾雅所謂菁赤菟是也根莖亦可糟藏食之甚美五色菟今亦稀有細菟俗謂之野菟豬好食之又名豬菟 管子地員篇斲下於菟菟下於蒲 列子天瑞篇老韭為菟 淮南萬畢術青溼殺鼈得菟復生

菟菜也者菟字衍易夬卦菟陸夬夬荀爽云菟者葉柔而根堅見且赤釋文引宋衷云菟菟菜也

艸 大葉實根駭人故謂之芎也從艸弓聲

王過切

廣雅藁芋也其莖謂之藪 廣志有君子芋大如斗魁
 有車轂芋有旁巨芋有青邊芋大如餅少子葉如繖蓋
 細色紫莖長丈餘易熟長味芋之最善者也莖可作羹
 臙有蔓芋緣支生大者二三升有雞子芋色黃有百果
 芋畝收百斛有早芋七月熟有九面芋大不美又有百
 子芋出葉榆縣有魁芋無旁子生永昌 風土記博士
 芋蔓生根如雞鴨卵馥案即廣志所稱蔓芋 漢書翟
 方進傳飯我豆食羹芋魁顏曰羹芋魁者以芋根為羹

也 後漢書許楊傳亨我芋魁注云芋魁芋根也史記
 項羽本紀士卒食芋菽索隱云芋蹲鴟也 汝南先賢
 傳薛包種芋以充飢 漢書貨殖傳吾聞嶧之下沃壑
 下有跋鴟至死不飢顏曰跋鴟謂芋也其根可食以充
 糧故無飢年 汜勝之書有區種芋法馥案蜀都賦所
 謂瓜疇芋區博物志野芋食之殺人家芋種之三年不
 收後旅生亦不可食馥案崔鴻十六國春秋李雄魁成
 都將民就穀於郫拙野芋而食之

大葉云云者本書于於也吁驚語也虞下引詩于嗟
乎騶虞芳駭人即吁意廣雅芋大也詩君子攸芋傳
云芋大也訐謨定命傳云訐大也川澤訐訐傳云訐
訐大也方言芋大也訐大也注云芋猶訐也一切經
音義聲類大葉著根之菜見人驚人故曰芋漢書東
方朔傳土宜薑芋顏曰芋葉似藕荷而長不圓後漢
書馬融傳蕞荷芋蕞注云芋蕞即芋魁也大葉其根
亦可食也文選吳都賦絢蹲鴟之沃則以為世濟陽

九五臣注蹲鴟芋也亢陽之時蹲鴟葉大常陰其根
不死華陽國志汶山郡都安縣有大芋如蹲鴟

𦉳

齊謂芋為𦉳從艸呂聲

居許切

齊謂芋為𦉳者孝經援神契仲冬昴星中收𦉳芋注
云𦉳亦芋也本草圖經云說文解字云齊人謂芋為
𦉳陶隱居種芋三年不采成𦉳芋二音相近蓋南北
之呼不同耳顏氏家訓北人之音多以舉𦉳為矩惟
李季節云齊桓公與管仲於臺上謀伐莒東郭牙望

桓公口開而不閉故知所言者莒也然則莒矩必不同呼此為知音矣馥據此知齊呼莒如芋

蘧 蘧麥也從艸蘧聲 疆魚切

蘧麥也者字或作蘧集韻麥小者蘧

菊 大菊蘧麥從艸菊聲 居六切

大菊蘧麥者釋草文郭云一名麥句蘧即瞿麥釋文引廣雅苾蒞麥句蘧蘧麥馥案今廣雅作苾蒞陵苾蘧麥本草瞿麥一名大菊陶注一莖生細葉花紅紫

赤可愛子頗似李故名瞿麥圖經云瞿麥苗高一尺以來葉尖小青色根紫黑色形如細蔓菁花紅紫赤色亦似映山紅二月至五月開七月結實作穗子頗似麥故以名之

葷 臭菜也從艸軍聲 許云切

釋典蔥蒜韭薺興渠為五葷 玉藻膳於君有葷桃菊

注云葷薑及辛菜也馥案玉篇云葷菜所以辟凶邪也士相見禮夜侍坐問夜膳葷注云膳葷謂食之葷辛

言文角正集言 卷三
物蔥薤之屬食之以止卧 尸子昔者桀紂珍怪遠味
必南海之葷北海之鹽 管子山權篇民之能樹瓜瓠
葷菜百果使蕃育者置之黃金一斤直食八石 荀子
富國篇然後葷菜百蔬以澤量注云葷辛菜也哀公篇
志不在於食葷注云葷蔥薤之屬也 或借著家語五
儀解作若王注若辛菜又通作薰孔安國注論語云薑
辛而不薰釋文作煮云本或葷同

臭菜者一切經音義蒼頡篇葷辛菜也凡物辛臭者

皆曰葷也馥紫玉藻注以薑及辛菜為葷本書言辛
臭非謂惡臭孔注論語云薑辛而不薰是也

葷也一名薑菹從艸襄聲

汝羊切

名醫別錄葷荷中蠱者服其汁並卧其葉即呼蠱主姓
名本草蜀本圖經葷荷葉似初生甘蔗根似薑牙其葉
冬枯

葷荷也者亦菜屬古今注葷荷菜似薑 後漢書馬
融傳葷荷芽渠注云葷荷苗似薑根色紫紅似芙蓉

可食四民月令九月蒧此薑藁荷魏志倭國傳有薑
橘椒藁荷不知以為滋味 一名薑菹者御覽引一
名薄苴廣雅藁荷苴苴也苴曹憲音普各反廣韻苴
苴大藁荷名急就篇老菁藁荷冬日蒧顏注藁荷一
名苴苴莖葉似根薑其根香而脆可以為苴又辟蠱毒
本草白藁荷陶云今人乃呼赤者為藁荷白者為覆
苴葉同一種爾於人食之赤者為勝圖經云春初生
葉似甘蔗根似薑而脆其根堪為俎其性好音在木

下生者尤美閑居賦藁荷依陰時藁向陽是也荆楚
歲時記仲冬以鹽蒧藁荷以備冬儲又以防蠱急就
篇藁荷冬日蒧其來遠矣于寶搜神記外姊夫蔣士
先得疾下血言中蠱家人密以藁荷置其席下忽大
笑曰蠱我者張小也乃收小小走自此解蠱葯多用
之周禮蔗氏以嘉草除蠱毒宗慄謂嘉草即藁荷是
也古今注藁荷似藕苴而白藕苴色紫花生根中花
散未時可食久置則銷爛不為實矣宜陰翳地種之當

依陰而生楚詞九歎耘藜藿與藁荷王注藁荷萑菹也又大招醢豚苦狗膾萑萑只注云萑萑藁荷也漢書司馬相如傳苾藁藁荷顏曰藁荷萑菹也根旁生笋可以為菹又治蠱毒吳仁傑離騷草木疏藁荷自許叔重以前一名萑菹至齊梁間猶呼覆菹覆菹音同俚俗訛耳柳宗元種白藁荷詩庶民有嘉草攻禴事久泯史記司馬相如傳諸蔗獐且漢書作巴且張揖曰萑菹藁荷也文穎曰巴且草一色名巴蕉顏曰文

說巴且是也且音子余反萑音普各反萑菹自藁荷耳非巴且也馥案史記獐且張揖云萑菹即萑菹索隱引郭璞說以為藁荷屬是也漢書作巴且文穎以為巴蕉自是二物史記漢書各異不可強同後漢書馬融傳格萑菹于注云菹即芭菹一名芭蕉馥案上文言藁荷芋蕒若以菹為藁荷豈不嫌複出乎

青 萑華也從艸青聲子盈切

萑華也者本書精讀若萑菁一切經音義引三蒼萑

之英曰菁廣雅韭其華謂之菁天官醢人菁菹注云菁菹韭菹四民月令八月收韭菁擣作齍

蘆 蘆菹也一曰薺根從艸盧聲

落手切

廣雅菹蘆菹也一切經音義似菘紫花者謂之蘆

菜音作菜

菹 通志菜菹一名電葵一名温菘一名紫花松吳名

楚菘嶺南名秦菘河朔名蘆菹俗呼蘿蔔鎮州者一根

可重十六斤後漢書劉盆子傳掘庭中蘆菹根而食

之隋書張威傳遣家奴於民間鬻蘆菹根蠻貊志

白樂天方齋劉禹錫饋蘆菹鱉

蘆菹也者一切經音義似菘紫花者謂之蘆菹

薺根者復古編蘆菹根似薺菹菹菜釋草菹菹郭

云薺菹名醫別錄薺菹根莖都似人參而葉小異劉

勰新論愚與真相像若薺菹之亂人參潛夫論治疾

當得人參反得支羅服已而不識真合而服之病已

侵劇不自知為人所欺也

侵音作浸

菹 蘆菹似蕪菁實如小赤者從艸服聲

蒲北切

蘆菹似蕪菁者釋草葵蘆菹郭云菹宜為菹蘆菹蕪菁屬紫花大根俗呼電葵本草蜀本圖經引爾雅舊注云紫花菹也俗呼温菹似蕪菁大根一名葵俗呼電葵一名蘆菹今謂之蘿蔔本草蕪菁及蘆菹輕身益氣可長食之陶云蘆菹是今温菹其根可食葉不中噉蕪菁根乃細於温菹而葉似菹好食西川惟種此而其與温菹甚相似小細耳齊民要術種菹蘆菹法與蔓菁同注云根實粗大其角及根葉並可生食

非蕪菁也雲南記嵩州界緣山野間有菜大葉而麤莖其根若大蘿蔔土人烝煮其葉根而食之可以療飢名之為諸葛菜云武侯南征用此菜子蒔於山中以濟軍食馥紫即蕪菁也南方草木狀蕪菁嶺嶠嶠以南俱無之偶有士人因官攜種就彼種之出地則變為芥馥紫方言蕪菁趙魏之間謂之大芥其小者謂之草芥陳藏器本草蕪菁北人名蔓菁今并汾河朔間燒食其根呼為蕪根本草衍義蕪菁今世俗呼

菜當作菜

謂之蔓菁夏則枯蔬圃復種之謂之雞毛菜公食大
 夫禮菁菹注云菁莫菁菹也疏云即今之蔓菁也禹
 貢包匭菁茅傳寅引鄭注菁蔓菁也顏注急就篇菁
 蔓菁也一曰莫菁亦曰蕪菁又曰芴菁齊民要術應
 於空間種蔓菁蒿苳蘿蔔等又云蘿蔔及葵六月種
 蔓菁七月種 實如小苽者方言蔓蕪蕪菁也其紫
 者謂之蘆菹注云今江東名為温菘實如小豆馥菜
 本草有菜服子是也

萍

萍也無根浮水而生者從艸平聲

符兵切

萍也無根浮水而生者非原文後人亂苹萍也
 本書蒹蒲子可以為平席平當為苹文選風賦注引
 作華席因苹謠為華廣韻苹蒲白又云芪蒹小之萍
 小當為水言蒹在水中者也禮記間傳芣剪不納鄭
 注芣今之蒲葦是也一切經義引云苹無根浮水上
 者也然則唐本已亂矣何以苹蒹誤為浮葦邪葦葦
 蒹生於水原文當有根生水諸字淺者遂以為浮葦

而改之不知本書別有萍字也李善注高唐賦引作草兒未詳又管子地員篇黑埴其草宜芊菡亦不審此芊為何草

𦵏 艸也從艸臣聲 稹鄰切

𦵏 大萍也從艸賓聲 符真切

大萍也者本草拾遺水萍有三種其大者曰蘋葉圓濶寸許葉下有一點如水沫一名芣菜李時珍曰花有白黃二色四葉合成一葉如田字形者蘋也夏秋

間開小華白色又稱白蘋詩召南于以蘋傳云蘋大

萍也箋云蘋之言賓也陸疏云蘋今水上浮萍是也其粗大者謂之蘋小者曰萍季春始生可糝丞以為茹又可用苦酒淹以就酒郭注爾雅萍水中浮萍其

大者蘋隱三年左傳蘋蘩蘊藻之菜杜注蘋大萍也呂氏春秋本味篇菜之美者崑崙之蘋注云蘋大萍水藻也陳啟源曰采蘋釋文引韓詩沈者曰蘋浮者

曰藻今日驗此二草藻沈而蘋浮頗怪其相反紫藻

字爾雅翼及玉海引韓詩皆作藻爾雅翼云藻生水
底葉敷水上不若小浮萍之無根而漂浮也故韓詩
云沈者曰蘋浮者曰藻藻音瓢即小萍也蘋亦不沈
但比萍則有根不浮游耳羅語良是馥素玉篇藻萍
屬

𦵏 染青艸也從艸監聲 魯甘切

一切經音義藍染草也 詩終朝采藍箋云藍染草也
月令仲夏之月令民毋艾藍以染 地官叙官掌染

草注云染草藍菡象斗之屬 夏小正五月啓灌藍蓼

傳曰啟者別也陶而疏之也灌也者聚生者也張爾岐

曰月令五月令民毋艾藍以染鄭注此月藍始可別蓋

種藍之法先蒔於畦生五六寸許乃分別栽之所謂啟

也 謝承後漢書楊震客居湖縣以種藍自業 趙岐

藍賦序余道經陳留此境人皆種藍染紺為業 魏武

帝內誡令公主貴人金印藍綬 王融表不自朱藍何

遷素然之質 魏志學者資於人猶之之染素

言文解字義疏卷三
染青艸也者本草藍實其莖葉可以染青陶云此即
今染縹碧所用者齊民要術種藍十畝敵穀田一項
能自染青者其利又倍矣荀子勸學篇青出之於藍
而青於藍淮南俶真訓以藍染青則青於藍韓詩外
傳藍有青而絲假之青於藍譙子素之白也染之以
朱則赤染之以藍則青劉氏新論崇學篇青出於藍
而青於藍染使然也後魏書李謚師孔璠數年後璠
就謚請業同門生為之語曰青成藍藍謝青通志藍有

三種蓼藍如蓼染綠大藍如芥染碧槐藍如槐染青
三藍皆可作澱色成勝母故曰青出於藍而青於藍
六書故槐藍叢生葉如槐宜為澱蓼藍子葉皆如蓼
而差大花紅白宜染青綠大葉如蟹匡者俗謂之蟹
殼澱又有大藍眠蓼藍為大而色不逮宜染碧陳啟源
曰藍有五種菘藍堪染青蓼藍堪染碧惟馬藍可作
澱三者華實相同而葉異蓼藍葉如蓼菘藍葉如白
菘馬藍葉如苦蕒又有吳藍木藍皆堪作澱

蕙 令人忘憂艸也從艸憲聲詩曰安得蕙艸況素切

令人忘憂艸也者東晉發蒙說甘棗令人不惑萱艸

可以忘憂崔豹古今注欲忘人之憂則贈以丹棘一

名忘憂草也本草圖經萱艸主安五臟利心志令人

好歡樂無憂韓詩薛君章句諼草忘憂也稽康養生

論合歡蠲忿萱草忘憂王朗與魏太子萱草忘憂臯

蘇釋勞任昉述異記萱草又名忘憂草吳中書生樹

之療愁魏彦深萱草詩橫得忘憂號余憂遂不忘徐

勉萱草花賦覽詩人之比興寄卉木以命詞惟平章

之萱草欲忘憂而樹之 詩曰安得蕙艸者衛風伯

兮文彼作焉得諼草傳云諼草令人忘憂廣雅焉安

也薛綜西京賦注安焉也

諼 或從煖

詩釋文云諼說文作蕙或作諼 詩淇澳終不可諼兮

傳云諼忘也考槃永失弗諼傳云諼忘也釋訓羨諼忘

也

𦵏 或從宣

𦵏 菅藎香艸也從艸宮聲去弓切

博物志芎藎苗曰江離根曰芎藎 急就篇芎藎厚朴

桂枯樓桐君藥錄豪本苗似穹藎 山海經西山經號

山其草多葍芎藎注云芎藎一名江離 宣十二年

左傳有山鞠窮乎杜云鞠窮所以禦溼正義云本草有

芎藎者葍草之名 楚詞九歎莞芎棄於澤洲兮注云

芎芎藎也 汜論篇夫亂人者芎藎之與藁本也蛇床

芎藎

之與藁蕪也此皆相似者許注此四者葍草臭味之相

似惟治病則力不同 子虛賦芎藎菖蒲司馬彪曰芎

藎似藁本郭璞曰今歷陽呼為江離 通典天水郡貢

芎藎元和志利州貢芎藎新唐書地理志益昌郡貢芎

藎

菅藎香草也者本草芎藎一名胡窮一名香果其葉名藁

蕪吳普本草芎藎葉香細青黑文赤如藁本

芎 司馬相如說菅或從宮

芎藎

芎藎

司馬相如說者藝文志武帝時司馬相如作凡將篇
案凡將篇散見於他書者如黃潤織美宜制禪等句
與急就篇相似

營 營窟也從艸營聲 渠弓切

香艸也從艸蘭聲 落干切

蘭

楚詞秋蘭兮青青綠葉兮紫莖 陸璣詩疏蘭莖葉相
似葍草澤蘭但廣而長節節中赤高四五尺 後漢書
陳寵傳夫冬至之節陽氣始萌故十一月有蘭射干芸

荔之應注云易通卦驗曰十一月廣莫風至則蘭夜干

生 本草蘭草一名水香生大吳池澤馥紫蘭可充佩

楚詞秋蘭以為佩漢官典職尚書郎懷香握蘭是也又

主調飲食王度記天子以粇諸侯以薰大夫以蘭芝士

以蕭庶人以艾宋均禮斗威儀注蘭主給和調杜預七

矯大羹生華蘭椒馥芬文選七啟紫蘭丹椒施和必節


李善引鄭元曰蘭主給調和是也又作浴蘭湯夏小正五

月蓄蘭傳云為沐浴也幽明錄廟中道夾樹蘭香齋者

煮以沐浴然後祭所謂蘭湯是也又可為閨房香澤陸氏詩疏云可着粉中是也又有山蘭夏侯湛賦既采蕭於大陸又割蘭於乎崇岡是也又有澤蘭既夕禮茵著用荼實綏澤馬注云澤澤蘭也取其香荀子正論篇代畢而食注云畢蓋香草或曰當為澤澤蘭也本草澤蘭生汝南諸大澤旁陶云今處處有多生下濕地葉微香或生澤旁故名澤蘭亦名都梁香可作浴湯唐本注云澤蘭莖方節紫色葉似蘭草而不香陶云都梁香乃蘭草爾俗名蘭香煮以洗浴亦生澤畔花白紫萼莖圓珠非澤蘭也陶注蘭草復云名都梁香並不深識也圖經云此與蘭草大抵相類但蘭草葉光潤根小紫五六月盛而澤蘭六微有毛不光潤方莖紫節七月初採微辛此為異是也韻又案漢書司馬相如傳蕙圃衡蘭顏曰蘭即今澤蘭後漢書馮衍傳播蘭芝於中庭兮注云蘭即澤蘭江賦櫻以蘭紅李善注蘭澤蘭炮炙論以蘭為大澤蘭以澤蘭為小澤蘭馥謂因此名稱易淆耳

香艸也者本草蜀本圖經蘭葉似澤蘭尖長有歧花紅白色而香生下濕地宣三年左傳以蘭有國香人服媚之賈逵注蘭香草名穀梁傳艾蘭以為防注云蘭香艸也楚詞九歌沅有芷兮醴有蘭注云言澧水之內有芬芳之蘭異於衆草列子臭過椒蘭荀子椒蘭苾芬文選秋蘭被涯注云秋蘭香草古樂府蘭草自然香生於大道旁稽康高士傳蘭以香自燒趙宦光曰古蘭可佩今非其物也陳啟源曰古人以芳草

為佩取其柯葉之香華不與焉蓋佩欲其久柯葉之香雖矮不歇華則否矣馥謂令人盆盎所養蘭花冒蘭之稱猶桂花襲桂樹之號耳



艸出吳林山從艸茲聲古願切

艸者當為香艸一切經音義云茲字書與簡同茲蘭也說文茲香草也馥素廣韻茲與蘭同蘭當作簡廣雅簡蘭也詩方秉簡兮陸疏簡即蘭香草也韓詩外傳鄭國之俗三月已上之溱洧兩水之上招魂續魄

秉蘭草拂不祥薛君云簡蘭也當此盛流之時衆士
 與衆女方執蘭拂除邪惡馥紫即廣志都梁香出淮
 南亦名煎澤草水經注資水云都梁縣西有有小山
 山上有渟水既清且淺其中生蘭草綠葉紫莖芳風藻
 川蘭馨遠馥俗謂蘭為都梁山因以號縣受名焉盛
 弘之荊州記都梁香蘭也都梁縣名有小山山下有
 水清泚其中生簡艸名為都梁即以縣為名也或借
 管字案宇記管涔山在靜樂縣管音姦土人云其山

山多管草或以為名 出吳林山者中山經吳林
 之山其中多姦草又名洞庭之山其草多姦靡蕪勺

葍芎藭

𦰇

蘊屬可以香口從艸俊聲 息遺切

復古編後別作葍菱竝非 玉篇後云蘊後又菱云胡

菱菱香菜蓋一物而異文 益鐵論浚汜蓼蘇 石崇

奴券常種蘿菔葫荳 一切經音義云博物志張騫使

西域得胡荳今江南謂胡荳亦為葫荳

芎

蘊屬可以香口者廣雅廉薑後也本草圖經後一名
廉薑生沙石中薑類也其味大辛而香通志廉薑似
山薑而根大一名後既多記茵著用茶實綏澤焉注
云綏廉薑也澤澤蘭也皆取其香且御濕本草胡荽
味辛并州人呼為香荽間居賦藜荽芬芳李善云韻
畧荽香菜也漢官儀侍中握蘭含香

芎

芎蘭莞也從艸九聲詩曰芎蘭之枝胡官切

芎蘭莞也者釋草藿芎蘭注云藿芎蔓生斷之有白

說文藿夫藿即
爾雅莞若藿也
引此條于此則
混芎藿乃一

汁可啜馥案劉向九歎莞芎棄於澤川王逸注莞苻

藿也馥謂莞即芎蘭也詩曰芎蘭之枝者衛風芎

蘭文彼作支傳云芎蘭草也箋云芎蘭柔弱恒蔓延

於地有所依緣則起陸疏云芎蘭一名蘿摩幽州人

謂之雀瓢蔓生葉青綠色而厚斷之有白汁鬻為茹

滑美其子長數寸似欬子夢溪筆談詩芎蘭之支童

子佩觿觿解結錐也芎蘭生英支出於葉間垂之正

如解結錐

𦵏

楚謂之離晉謂之𦵏齊謂之菹從艸𦵏聲

語嬌切

埤埤蒼齊菹一曰菹 楚詞九思芳𦵏兮挫枯注云𦵏

香名也 山海經西山經號山其草多葍葍芎藭注云

葍芑別名葍香草也又中山經崆峒山多葍注云即葍文

選七命仰折神葍李善引本草白芷一名葍

𦵏

江離蘼蕪從離聲

呂之切

江離蘼蕪者非本書原文蓋後人亂之漢書司馬相

如傳江離蘼蕪張揖曰江離香艸也蘼蕪蘼芷也似

蛇牀而香張氏斷然以為二物案傳三句同韻每句

並舉二物上文云芎藭昌蒲下文云諸柘巴且中云

江離蘼蕪傳又云揜以綠蕪被以江離糝以蘼蕪雜

以流夷此四句各舉一草江離蘼蕪非一物又可見

矣故顏師古毛晃洪興祖皆謂蘼蕪非江離直取相如

文加之耳然則離何物曰離也楚謂之離

𦵏

離也從艸叵聲

呂改切

離騷豈維紉夫蕪菹注云蕪菹皆香艸也 山海經北

北山經其祠皆用一藻菹瘞之注云菹香草蘭之類荀
子勸學篇蘭槐之根是為芷 史記禮書側載臭菹所
以養鼻也索隱云菹香草也 漢書禮樂志菹蘭芳顏
曰菹即今白芷荀子勸學篇蘭槐之根是為芷

此處宜括寫不宜空行

菹也者本書菹齊謂之菹玉篇菹亦菹也又云葍白
芷葉即菹也九歌辛夷楣兮葍房王注葍白芷也本
草白芷一名菹一名苻離葉名葍麻可作浴湯生河

東川谷下澤通志澤芬曰白芷曰白菹曰菹曰莞曰
菹楚人謂之葍其葉謂之葍麻與蘭同德俱生下濕
故蘭菹之香為騷人所諷詠

葍

葍蕪也從艸葍聲

葍為切

葍蕪也者管子五沃之土生葍蕪春秋運斗樞維星
散為葍蕪釋草蘄菹葍蕪郭注香草葉小萎狀廣韻
引字林菹葍蕪別名葍葍葍謂蘄菹味者以為白菹
案管子地員篇薛荔白芷葍蕪椒連五臭所校白芷

菹為作芷

處之似此他
處

與蘼蕪並舉自非一物矣本草蘼蕪一名薇蕪一名
茫離芎藭苗也生雍州川澤及宛句陶隐居云今出
歷陽處處亦有人家多種之葉似蛇牀而香騷人借
以為譬圖經云其苗四五月間生葉似芹胡荽蛇牀
輩作叢而莖細其葉倍香或蒔於園庭則芬馨滿徑
楚詞九歌秋蘭兮蘼蕪羅生兮堂下古詩上山采蘼
蕪下山逢故夫廣志蘼蕪香草魏武帝以藏衣中古
今注相招則贈以蘼蕪蘼蕪一名當歸淮南子亂人

者若蛇牀之與蘼蕪又云蛇牀似蘼蕪而不能芳高
云蛇牀臭蘼蕪香郭璞贊蘼蕪善草亂之蛇牀不隕
其實自別以芳佞人似智巧言如簧後漢書馮衍傳
攢射干雜蘼蕪兮注云蘼蕪似蛇牀而香其根即芎
藭也

藥

香艸也從艸熏聲

許云切

急就篇芬薰脂粉膏澤笏 廣雅天子祭以鬯諸侯以
薰 山海經西山經浮山有草焉名曰薰草麻葉而方

莖赤華而黑實臭如蘼蕪佩之可以已癘 魏畧大秦
國出薰草 成公綏宣清賦哀薰草之見焚 蘇子薰
以芳自燒不能去其香 郭注山海經云或以蕙為薰
薰葉失之 陶隱居云俗人呼鶯草狀如茅而香者為
草人家頗種之葯錄云葉如麻而兩相對今詩書家多
用蕙而竟不知是何草當其名而迷其實皆此類也
圖經云葉如麻而兩相對莖芳氣如蘼蕪常以七月中
旬開花至香古所謂薰草是也或以蕙草亦此也馥紫

案郭謂蕙非薰陶及圖經皆云不能及定越志零陵香
名燕草又名薰草



水篇葍從艸從水毒聲讀若督徒沃切

水篇葍者篇葍之生於水者也詩綠竹如簣韓詩作
葍薛君云簣積也綠葍盛如積也詩釋文云韓詩竹
作葍音徒沃反葍篇葍也郡國志共本國淇水出注

注引博物記有綠竹草馥謂詩人所詠即生於淇水
側者竹當作葍博物記以綠竹為一草非是綠自是

記者是也

王芻也

蕪篇筑也從艸扁聲方沔切

釋草竹篇蓄郭云似小藜赤莖節如好生道旁可食又殺蟲本草篇蓄生東萊山谷陶注處處有布地生人亦呼為篇竹煮汁與小兒飲療虻虫有驗圖經云篇蓄春中布地生道旁苗似瞿麥葉細綠如竹赤莖如釵服節間出甚細微青黃色根如蒿根 吳普本草篇蓄名篇辨又名扁曼節間有粉多生道旁方士呼為節草 楚

知有花

原本詳此段為誤

詞九章解篇薄與雜菜兮備以為交佩王逸曰言已解折篇蓄雜以菜合而佩之 馥至萊州三月間有小兒提籃賣野菜編豬芽其葉似藜蒸食之味亦似藜因憶本草言篇蓄生東萊山谷俗謂謠編豬也

筑陟玉切篇筑也從艸筑省聲

筑省聲者後人改之當云筑聲筑從工得聲筑筑皆其入聲猶元從兀聲也

芻去謁切芻與也從艸芻聲

太平御覽引廣志云藹車香味辛生彭城高數尺黃葉
白華 齊民要術凡諸樹有蛀者煎藹車香冷淋之善
辟蛀蟲也

芻輿也者釋州藹車芻輿郭注藹香州見離騷釋文
云車音居本多無此字馥謂寫者因郭注加車字郭
乃引離騷藹車非謂爾雅亦有車字也故本書但云
芻輿無藹車字釋文云輿或作蕓音餘惟郭謝及舍
人本同衆家並作蔕藹或借揭字離騷畦亩夷與揭

車兮王注揭亦芳草一名氣輿漢書司馬相如傳揭
車衡蘭應劭曰揭車一名芻輿香也

芻 芻輿也從草气聲 去訖切

藹 馬藹也從艸母聲 母臯切

馬藹也者 雅藹蒲莞也類篇以為木藹子似蕙郭

注爾雅以前為木藹玉篇藹下引本書同藹下云實
似桑椹可食馥謂玉篇之藹即爾雅之藹前本書藹山

藹爾雅作山藹

刻作廣

艸也從艸各聲

古願切

釋艸荅山蔥郭注荅蔥細莖大葉 後漢書馬融傳格

韭菹于注云格與荅古字通

甘

甘艸也從艸從甘

古三切

甘艸也者廣韻昔草藥出洮州廣雅美丹甘草也急

就篇牡蒙甘草菟藜蘆本草甘草味甘平一名蜜甘

一名美草一名蜜草一名露草生河西川谷積沙山

及上郡圖經云今陝西河東州郡皆有之生青苗高

一二尺葉如槐葉七月開紫花似奈冬結實作角子

如畢豆根長者三四尺粗細不定皮赤上有橫梁下

皆細根也夢溪筆談甘草枝葉悉如槐高五六尺但

葉端微六而慥澁似有白毛實作角生如相思角作

一本生熟則角坼子如小匾豆極堅齒嚙不破從甘

者徐鍇本作甘聲

芋

芋艸也從艸予聲可以為繩

直呂切

玉篇與芋同 管子小匡篇首戴芋蒲注云芋蔣也編

刻

列

芋與蒲以為筮 漢書蔣芋青蘋張揖曰芋三稜也

本草有京三稜圖曰荆湘江淮水澤之間皆有葉似莎

草極長莖三稜如削大如人指高五六尺莖端 開花

大體皆如莎草而好生水際及淺水中 馥紫玉篇芋

與芋同管子小匡篇首戴芋蒲注云芋與蒲以為筮

可以為繩者王褒僮約多取蒲芋益作繩索南都賦

其草則蘆芋蘋莞李善云芋直呂切說文曰可以為

索

葦 艸也從艸盡聲 徐刃切

艸也者一切經音義引字林蓋草名本草蓋草味苦

可以染流黃作金色生青衣川谷唐本注云此草葉

似竹而細薄莖亦圓小生平澤溪澗之側荆襄人煮

以染黃色極鮮好俗名葦葍草爾雅所謂王芻者也

詩淇奥綠竹猗猗傳云綠王芻郭注葍葍也今呼鴟

脚莎急就篇雷矢葍菌蓋兔盧顏注蓋草治久欬殺

皮膚小蟲又可以染黃而作金色馥紫蓋亦葍屬詩

終朝采綠箋云綠易得之菜也

葍

從艸述聲

食聿切

艸也者徐鉉按藥有蓬莪莖

葱

冬艸從艸忍聲

而軫切

葱冬艸者葱當為忍葱忍聲相近徐鉉韻譜冬忍冬

艸徐鉉據李舟切韻所加本草忍冬陶注云今處處

皆有似藤生凌冬不凋故名忍冬唐本注云此草藤

生繞覆草^木上苗莖赤紫色宿者有薄白皮膜之其嫩

莖有毛葉似胡豆亦上下有毛花白藥紫

葍

葍楚鉞弋一名羊桃從艸長聲

直良切

葍楚鉞弋者釋草又彼作芟郭云今羊桃也或曰鬼

桃葉似桃華白子如小麥亦似桃馥紫小麥當為小

棗字之誤也本草蜀本圖經云子細如棗核是也詩

隰有葍楚猗儺其枝傳云葍楚鉞弋也箋云鉞弋之

性始生正直及其長大則其枝猗儺而柔順不妄尋

蔓草木陸疏云今羊桃是也葉長而狹華紫赤色其

初生葉長

枝莖弱過一尺引蔓於草上 一名羊桃者本草羊
 桃味苦寒一名鬼桃一名羊腸一名萇楚一名御弋
 一名桃弋生山林川谷及田野陶注云甚似家桃又
 非山桃子小細苦不堪噉花甚赤蜀本圖經云葉花
 似桃子細如枣核苗萇弱即蔓生不能為樹廣雅鬼
 桃鉞弋羊桃也楚詞七諫斬伐橘柚兮列樹苦桃洪
 注本草羊桃味苦六書故羊桃藤長文餘可以為
 綆

初生苗

勤 美也從艸劍聲 古詣切

本草有大小薊根陶隱居云大薊似虎小薊似猫薊葉
 並多刺相似圖經云小薊俗名青刺薊苗高尺餘葉多
 刺心中花頭如紅藍花而青紫色北人呼為千針草當
 二月苗初生二三寸時並根作茹食之甚美大薊根苗
 與此相似但肥大耳沈括曰予嘗至幽州見路旁生薊
 美甚大恐薊地因此得名馥案陳藏器云薊門以薊為
 名 美也者釋草鉤美徐錯曰即今刺薊是

里 艸也從艸里聲讀若釐里之切

艸也者齊民要術引字林里草名徐曰按字書朔藿

草一名里也禮祭五音集韻里朔藿別名本草朔藿

味酸温有毒可作浴湯一名里草一名芟六書故朔

藿每葉輒有岐葉五六秋生細白華實如菜莢一名

陸英 讀若釐者釐藜也集韻釐艸名夫須也通作

菜大戴禮曾子荆言篇聚橡栗藜藿而食之盧辯注

云藜藿目史記太史公自序藜藿之美正義云藜似

釐小藿

而表赤

藜 釐艸也一日拜商藿從艸釐聲徒弔切

玉篇藿藜藿也 昭十六年左傳斬之蓬蒿藜藿而共

處之 管子小匡篇五穀不蕃六蕃不育而蓬蒿藜藿

並與 莊子徐無鬼篇夫逃虛空者藜藿柱乎鼪鼯之

之徑 宗躬孝子傳桑虞喪母八十四日食百粒糝藿

典畧賊李堪等將部曲入長安居董卓故塢中拔取酸

枣藜藿以給食 張掖郡有地名藜藿

刻有藜

原本此字宜於

釐艸也者李燾本及集韻類篇並作董艸廣雅亦誤作董此皆因晉語寘董於內注家以為烏頭遂據以改說文也程君瑤田曰廣雅董董也以董為董余竊有疑焉案今分韻說文董董草也而始一終亥本則曰董釐草也一作董一作釐余疑董釐二字皆董字之譌說文董草也讀若釐載孫愐韻為里之切及檢廣韻董有許竹丑六二切並云羊蹄菜而里之切中不收董字又董有恥力切云萌蘗別名萌蘗藥也玉篇董

亦有二音丑力丑六兩切也云一名蕙似冬藍食之醋也不以為羊蹄於蕙字則云董也廣韻蕙與芡同以為烏頭別名不與董為一物矣玉篇既以蕙為董遂別出芡字為董草為烏頭別名焉又考集韻許六切中以董與苗為一字云草名羊蹄也而勅六切中亦董苗並見同音而異釋於董字引字林草名似冬藍於苗字菴也案爾雅苗菴又云菴菴說文亦云苗也又三國吳志諸葛恪傳藜條稂莠化為善草余疑

說文解字義詁 卷三 六十五
條即蓀字省去艸此之所謂蓀條即前諸書之蓀藿
藿與蓀字蓋相通矣余故曰說文釋藿字一作莖一
作釐者皆莖字之譌也何也据集韻莖與苗同今藿
與蓀又相通然則余定說文藿為莖也云者猶言蓀
苗也云爾且苗與笛同笛周禮笙師職作遂讀為滌
漢書叙傳六世耽其欲滌滌注云頤六四爻辭今易
作遂遂子夏傳作滌滌然則遂字古有滌音遂從
遂固亦有遂音也所以莖笛字皆有許六勅六諸翻

切音既相通義亦因之相貫以之命名自可互為一
物余定說文藿字之釋為莖蓋亦求之聲音字形有
四通六闢之妙而非欲逞其臆見也是故說文之為
莖也莖與莖字形相似其譌釐也釐與莖聲實相同
廣雅玉篇廣韻集韻或以藿為莖或以莖為莖或以
莖為莖或以莖為莖展轉承襲蓋未能詳至謂莖為
莖藿藿之與藿字形尤易錯互今稍條理之以俟達
者 一日拜商藿者釋草文彼作藿藿謂當為商高

初以菴

誘淮南子注菴苗菴秀楚人謂之菴菴讀如敵戰之敵幽冀謂之菴菴也程君瑤田曰爾雅拜雅拜菴菴莊周書田開之操拔筭以待門庭余謂拔筭即拜筭蓋以拜為埽埽聲轉故謂之拔筭詩勿剪勿拜鄭箋拜之言拔也說文釋菴字別出一曰拜菴菴之文可知菴菴也蓋灰菴之類而非灰菴故謂之拜菴菴馥案梁簡文勸醫文作灰蔞菜

菴 菴艸也從艸及聲讀若急居立切

菴艸也者菴當為菴後人據爾雅改之也廣雅菴菴也亦為菴又筆菴也筆當為菴玉篇菴菴也菴亦當為菴釋艸菴菴艸郭注即烏頭釋文云紫本草菴菴一名菴艸一名菴非烏頭也 讀若急者集韻菴艸名菴菴也玉篇菴一名菴

菴 山菴也從艸菴聲子賤切

山菴也者釋草文彼作菴郭云今之木菴也實似菴菴而大亦可食玉篇菴實似桑椹可食其解箭字云

初以菴

王蕙草可為帚

毒艸

毒艸也從艸發聲莫侯切

毒艸也者集韻蕙毒艸名葶藶也中山經熊耳之山有草焉其狀如蘇而赤花名曰葶藶可以毒魚後漢書劉玄傳遣李松會朱鮪與赤眉戰於葶鄉注云蕙音莫老反字林云毒草也因以為地名楊震傳追前功封蕙亭侯郡國志弘農故桃林有蕙鄉注云赤眉破李松處馥案誤寫從力之蕙故音遂形變

卷耳

卷耳也從艸務聲止考切

卷耳也者玉篇蕙毒草也郭注爾雅引或說云苓耳形似鼠耳叢生如盤徐鍇曰菌屬生朽潤木根楚祠九思泉耳考充房王注泉耳惡艸也馥案此與詩之卷耳名同物異

蔓藥

蔓藥艸出上黨從艸漫聲山林切

人蔓藥艸者當為苦艸謂苦參也一切經音義參說文作蔓苦艸也其類有多種謂丹參玄參等也急就

篇遠志續斷參土瓜顏注參謂人參丹參紫參玄參
 沙參苦參也廣雅地精人葠也禮斗威儀君乘木而
 王則人參生春秋運斗樞搖光星散為人參廢江淮
 山瀆之利則搖光不明人參不生神農本草立夏之
 日蜚廉生為人參茨苓使主腹中七節保神守中潛
 夫論考績篇治疾當得人參反得支羅服 出上黨
 者本草人參如人形者有神生上黨山谷范子計然
 人參出上黨者狀類人者善新唐書地理志太原上

黨貢人葠異苑人參一名土精生上黨者佳人形皆
 具能作兒啼昔有人掘之始下數銚便聞土中有呻
 聲尋音而取果得一頭長二尺許四體畢備而髮有
 損缺處將是掘傷所以呻也廣五行記隋文帝時上
 黨有人宅後每有人呼聲求之不得去宅一里但見
 一人參枝苗掘之入地五尺得人參如人體狀去後
 呼聲遂絕

藥

人參

洛官切

說文解字卷三 參 六十五

雅改之釋草波蚍蛭郭云今荆葵也似葵紫色謝氏云小草多華少葉葉又翹起廣雅荆葵菽也詩東門之粉視爾如菽傳云菽苾菜也陸璣疏云苾菜一名荆葵似蕪菁華紫綠色可食微苦羅願曰荆葵花似五銖錢大色粉紅有紫文縷之一名錦葵

𦵏 蒿也從草𦵏聲房脂切

蒿也者玉篇蕪蒿似著

𦵏 艸也從艸禹聲玉矩切

𦵏 艸也從夷聲杜兮切

艸也者玉篇作弟音題引本書同

𦵏 艸也從艸薛聲私列切

艸也者漢書司馬相如傳薛莎青蘋音義云薛蘋蒿也是以莎草為雨衣也馥紫郭注爾雅羊蘋蕭云今蘋蒿此與莎異所未能詳

𦵏 大苦苓也從艸古聲康杜切

大苦苓也者苓當為蒿本書蒿大苦也釋艸同馥紫

初布玉篇薛莎也洪武正韻六編葉蕭蕭

新作苓

即黃藥也

苦 艸也從艸音聲

步乃切

艸也者廣韻作蓓云黃蓓草也馥紫北方苦屋者是也齊民要術凡穀田二月上旬及麻苦楊生種者為上時

苦

苦官從艸音聲一曰苦英

於力切

苦官者官當為巨本書巨下引賈侍中說巨苦巨實也禮含文嘉夏以妣祖以蕙苾生吳越春秋鯨娶於

初以妣

有莘氏之女名曰女媀年壯未嫁媀於砥山得蕙苾而吞之意若為人所感因而妊孕剖脅而產高密後漢書馬援傳初援在交趾常餌蕙苾實用能輕身省慾以勝瘴氣本草意苾仁一名解蠶一名屋茨一名起實一名蕙生真定平澤及田野陶云真定縣屬常山郡近道處處有多生人家交趾者子最大彼土呼為蘇珠馬援大取將還人讒以為珍珠也馥紫廣雅蕙起實蕙日也集韻苾苾子苾即蘇字六書故蕙

苳穀類枝葉如黍其實殼堅圓澤如珠其米如貝
一日蓄英者抱樸子菊花與薏花相似直以甘苦別
之耳菊甘而薏苦諺所謂苦如薏者也馥紫蓄蓄英
即似菊之華楚辭夕餐秋菊之落英蓄亦俚英

苳 管也從艸牙聲 莫交切

易泰卦拔茅連茹 詩靜女白茅色之箋云茅潔白之
物也 禹貢包匭菁茅鄭注茅有毛刺曰菁茅 吳錄
地理志零陵有香茅任土貢之風俗通謹按詩曰手

以下數行皆宜改換寫

如柔莢莢者茅始熟中穰也既白且滑 本草茅根

陶隱居云此即今白茅其根如渣芹甜美嘉祐圖經
春生牙布地如針俗間謂茅針亦可噉夏生白花茸
茸然至秋而苦其根至潔白亦甚甘美 獨斷天子
大社五色土以諸侯所封之方色直以白茅授之謂
之授茅土 左傳爾貢包茅不入王祭不供無以縮
酒 管也者詩露彼管茅

管 茅也從艸官聲 古願切

言文解字集註 卷三
成九年左傳無棄菅蒯 既夕禮管菁三其實皆淪
六韜吾觀其野草管勝穀

茅也者廣雅同詩白華管兮傳云白華管也已温為
管箋云白華於野已漚名之為管管桑忍中用矣正
義云漚之柔桑韌異其名謂之為管因謂在野未漚
者為野管也詩東門之池可以漚管陸疏云管似茅
而滑澤無毛根下五寸中有白粉者柔韌宜為索漚
乃尤善矣釋草白華野管茅屬南山經白管為席注

云管茅屬也楚詞招鬼叢管是食此注云管茅也淮
南齊俗訓必有管屬跣躄高云管茅也漢書賈誼傳
若艾草管然顏云管茅也

韌

艸也從草韌聲江夏有韌春亭

渠支切

艸也者韌列子客有獻芹者鄉豪取而嘗之蜚於口
慘於腹也 江夏有韌春亭者亭當為縣漢志江夏
郡有韌春縣史記楚世家秦將王翦破我軍於韌
秦楚東徙都壽春故軍破於韌元和志韌春縣因韌

水為名蘄水西南經縣三里源出東北大浮山一名蘄山寰宇記按地名解之蘄春以水隈多蘄菜因以為名十道志蘄州蘄陽郡秦屬九江郡漢蘄春縣地廣韻晉考武鄭后諱春改為蘄陽周平淮南改為州因蘄水為名 蘄聲者本書無蘄字

𦉳

州也可以作席從草完聲

胡官切

周書文傳解潤濕不穀樹之竹葦莞蒲 穆天子傳爰有蘄莞蒲注云莞蔥蒲或曰莞蒲齊名耳關西云莞

刻作葦葦

大戴禮勸學篇譬之如洿邪水潦瀆焉莞蒲生焉 本書莞字音義與此莞同疑一字有正文或體之別

可以作席者玉篇莞似蘭而圓可為席白帖東方朔曰孝文以莞為席列子釋文莞似蒲而圓今之為席者是也楊承慶字統音關一切經音義此草外似蔥內似蒲而圓廣雅之蔥蒲可以為席生水中今亦名莞子也書顧命敷重豐席王肅曰豐席莞詩斯干下莞上簟箋云莞小蒲之席也釋文云草叢生水中莖

圓江南以為席形似小蒲而實非也喪大記君以簟
席大夫以蒲席士以葦席注云三者下皆有莞馥案
所謂下莞上簟也周禮司几筵設席莞筵紛純玉褱
僅約種莞織席注云莞小草可以為席江表傳黃門
從某求官中莞席本草燈心草叢生莖圓細而長直
人以為席六書故莞小蒲也莖葉園長叢生如著可
以為席別取其莖中虛白者可以漬油然鐙故又謂
之燈心草蒲類而小故謂之小蒲

𦉳

莞屬從草闐聲良反切

莞屬也者字林同廣雅莞蘭也玉篇蘭似莞而細可
為席急就篇蒲蒻蘭席帳帷幢顏注蘭草名亦莞之
類也蒲蒻可以薦草蘭可以為席范子計然六尺蘭席
出河東上價七十蒲席出三輔上價百案守記蒲州
土產蘭席晏氏類要河中府貢蘭席

𦉳

黃蔞職也從草除聲直魚切

黃蔞職也者職玉篇作蔞云蔞草葉似酸漿夏小正

作識云三月采識傳云識草也釋草作識云識黃除
郭注識草葉似酸漿黃華小而白中心黃江東以作
葷食顏氏家訓江南別有苦菜葉似酸漿其花或紫
或白子大如珠熟時或赤或黑此菜可以釋勞案郭
樸注爾雅此乃識黃蔞也今河北謂之龍葵馥案陳
藏器云苦識味苦寒葉極似龍葵但龍葵子無殼苦
識子有殼人亦呼為小苦耽古今注苦葳一名苦識
子有裏形如皮弁始生青熟則赤裏有實正圓如珠

初小僕

初小僕

亦隨裏青赤長安兒童謂為洛神珠一曰王母珠一
曰皮弁草本草苦耽苗子苦寒生故墟垣墜間高二
三尺子作角如撮口袋中有子如珠熟則赤色又有
一種小者名苦識馥案小者名苦識即陳藏器所云
小苦耽但作角與有裏異耳本草苦識即苦參葉似
槐花黃色結角如蘿蔔子內子二三粒如小豆而堅
根味苦又苦參一名水槐一名苦識陶云葉極似槐
樹故有槐名花黃子作英根味至苦惡馥案此結角

者即苦耽耽參聲相近一物重出實非苦識也

蒲

水艸也可以作席從艸浦聲

薄胡切

水艸也者莞蘭之屬生於水者也山海經孟子之山其草多蒲葭謂山中有水而蒲生非謂生於山也考經後神契蒲益聰後漢書劉寬傳吏人有過但用蒲鞭罰之可以作席者廣韻蒲草名似蘭可以為席北堂書鈔引三禮圖史蒲筵長七尺廣三尺三寸無純荀子不苟篇與時屈伸柔從若蒲葦注云蒲葦所

以為席可卷者也書顧命敷重底席馬注底青蒲也王注同文二年左傳妾織蒲杜云家人販席玉藻連用湯履蒲席東觀漢記郭丹師事公孫昌敬重常持蒲編席漢書史丹傳頓首伏青蒲上服虔曰青緣蒲席盧湛云凡臨祭坐以蒲薦青布練褥其事從約也本草有敗蒲席陶隱居云人家用席皆是莞草而薦多用蒲

蒲

蒲子可以為平席從草弱聲

而灼切

蒲子可以為平席者執文類聚引蒲子也可為薦御
覽可以為薦鄭康成說深蒲云蒲始生水中子益鐵
論古者無茵席之加旃蓊之美其後大夫士復薦草
緣蒲平草莞今富者繡茵翟柔蒲子露林考工記故
竝其輻廣以為之弱注云弱菑也今人謂蒲本在水
中者為弱是其類也詩韓奕維筍及蒲傳云蒲蒲弱
也陸疏云蒲周禮以為道謂蒲始生取其中心入地
弱大如指白生噉之甘脆又煮以苦酒如食筍法大

美古今注楊州人謂弱為斑杖不知食之書顧命敷
重篋席王肅注篋席織弱草蓆蓋蒲蓆也馥案本書
云周書曰布重篋席織弱蓆也春官司几筵加繅席
注云繅席加蒲弱展之編以五采若今合歡矣楚詞
招魂弱阿拂壁注云弱弱蓆顏注急就篇弱謂蒲之
柔弱者也蒲弱可以為蓆宋起居注劉楨奏風聞廣
州刺史作白蓆三百二十領馥案山海經祠用白蒲
為蓆是白蓆即白蒲蓆謂弱也釋名蒲平以蒲作之

新有平草類書卷五平
平草并古也華廣韻
華蒲白又云茂蕒

其體平也東觀漢記殤帝詔省荏蕒小羊小當為水
言在水中也文選風賦藉莞蕒李善引本書作華席
華華形近致誤禮記間傳芣翦不納注云芣今之蒲
羊也

蕒

蒲蕒之類也從草深聲

式歲切

蒲蕒之類也者疑之類二字有誤天官鹽人深蒲鄭
司農云深蒲蒲蕒入水深故曰深蒲

蕒

蕒也從艸推聲詩曰中谷有蕒

他日切

蕒也者釋草蕒蕒郭注今莞蔚也葉似荏方莖白華
華生節間又名益母李巡云臭蕒草也本草莞蔚子
味辛一名益母生海濱池澤陶云今處處有葉如荏
方莖子形細長三稜陳藏器云此草田野間人呼為
鬱臭草曹植藉田論藜蓬臭蔚棄之乎遠疆 詩曰
中谷有蕒者王風中谷有蕒文傳云蕒離也釋文云
爾雅云蕒也韓詩云莞也廣雅又名益母陸疏云舊
說及魏博士濟陰周云明皆云菴間是也韓詩及三

新有平草

蒼說悉云益母故曾子見益母而感紫本草云益母
芫蔚也一名益母故劉歆曰葑臭穢即芫蔚也六經
正誤詩中谷有葑毛傳葑鶴也鶴即葑字借用也馥
紫詩大車釋文離本亦作葑是一葑多借離

知以兒

葑

艸多兒從草佳聲

職追切

艸多兒也者非原文後人亂之增韻云葑一名葑說
文鬱也韓詩云芫蔚也馥紫鬱即陳箴器所云鬱臭
艸廣韻葑葑芫蔚又名益母

葑

缺盆也從艸圭聲

苦圭切

缺盆也者釋艸文彼作缺益郭云覆盆也實似莓而
小可食廣雅葑盆陸英莓也本草蓬蘽一名覆盆又
出覆盆子條陶云蓬蘽是根名覆盆是實名李云即
是人所食莓爾衍義云覆盆子長四條四五月紅熟
秦州甚多永興華州亦有及時山中人採來賣其味酸
其外如荔枝櫻桃許大軟紅可愛蜀本引切韻莓音
茂其子覆盆也

知以兒

知以兒

若

牛藻也從艸若聲讀若威渠殞切

牛藻也者釋草文郭云似藻葉大江東呼為馬藻詩于以采藻陸疏藻水草也生水底有二種其一種葉如鷄蘇莖大如箸長四五尺其一種莖大如釵股葉如蓬蒿謂之聚藻扶風人謂之藻聚為發聲也 讀若威者本書威姑也馥案威姑即君姑顏氏家訓或問東宮舊事六色罽縷是何等物當作何音荅曰按說文云若牛藻也讀若威音隱塢瑰反即陸璣所謂

聚藻葉如蓬者也郭璞注三蒼亦云蘊藻之類也細葉蓬茸然今水中有此物一節長數寸細茸如絲圓繞可愛長者二三十節猶呼為若又寸斷五色絲橫着線股間繩之以象若艸用以飾物即名為若於時當紺六色罽作此若以飾緄帶張敞因造絲旁畏耳宜作隈

若

夫籬也從艸睪聲胡官切

睪與前莞字音義同夫籬也者釋草莞苻籬其上蒿云

今西方人呼蒲為莞蒲蒿謂其頭臺首也今江東謂之苻離西方亦名蒲中莖為蒿用之為席馥紫本草白芷一名莞一名苻離此誤也釋草芷夫王郭云芷草生海邊似莞藺今南方越人采以為席陳藏器云注芷一名江離子似莞生海邊可為席馥謂芷有江離之稱因誤以苻離為白芷芷莖皆莞藺之屬可為席者也漢書東方朔傳莞蒲為席顏曰莞夫離也今謂之蔥蒲元和志符離離縣爾雅曰莞苻離也以地

多此草故名

𦵏

夫離上也從艸𦵏聲

力的切

夫離上也者某氏爾雅注引本草云白蒲一名苻離楚謂之莞蒲其臺别名蒿玉篇蒲蒿謂今蒲頭有臺臺上有重臺中出黃即蒲黃

𦵏

芎藭一名馬烏其實如李令人宜子從艸呂聲周

書所說

羊止切

芎藭一名馬烏者廣雅當道馬烏也廣韻澤蔞葯草

初十日

車前別名韓詩傳直曰車前瞿苜莢詩采苜莢傳云苜莢馬為馬為車前也陸疏云苜莢一名馬為一名車前一名當道喜在牛迹中生故曰車前當道也今藥中草車前子是也幽州人謂之牛舌草可嚙作茹大滑其子治婦人難產釋草苜莢馬為車前郭云今車前草大葉長穗好生道邊江東呼為蝦蟆衣本草車前子味甘寒無毒養肺強陰益精令人有子一名當道一名苜莢一名蝦蟆衣一名牛遺一名勝為

初十日

生真定平澤丘陵阪道中神仙服食經車馬實雷之精也八月采地衣地衣者車前實也新唐書地理志盛山郡貢苜莢實韓詩苜莢傷夫有惡疾也薛君曰苜莢澤瀉也苜莢惡臭之草詩人傷其君子有惡疾人道不通求已不得發憤而作以事興苜莢雖惡臭乎我猶采采而不已者以興君子雖有惡疾我猶守而不離去也列女傳蔡人之妻者宋人之女也既嫁於蔡而夫有惡疾其母將改嫁之女曰夫之不幸乃

說文解字義證 卷三 六十一

言文解字集註 卷三
妾之不幸也奈何去之適人之道一與之醮終身不
改不幸遇惡疾不改其意且夫采采芣苢之章雖其
臭惡猶始於採采之終於懷擷之浸以益親況於夫
婦之道乎彼無大故又不遣妾何以得去終不去聽
其母乃作芣苢之詩文選辨命論冉耕歌其芣苢李
善云冉耕魯人字伯牛以德行著名有惡疾馥紫芣
苢能已癘故冉子與歌說韓詩者皆以芣苢為澤瀉
考其說蓋有所因莊子至樂篇畫蠃之衣生於陵屯

則為陵烏司馬彪云化作車前改名陵烏一名澤烏
畫蠃之衣即本草及郭注所謂蝦蟆衣也作車前改
名陵烏澤烏是芣苢為澤瀉也又紫詩言采其蕒傳
云蕒水鳥陸疏今澤瀉也其葉如車前艸大其味亦
相似然則車前澤瀉實二物以形狀相近而得通稱
也 其實如李令人宜子周書王會解康民以稊苢
稊苢者其實如李食之宜子孔晁注康西戎別名也
食稊苢即有身陶注本草云韓詩乃言芣苢是李_木似

李食其實宜子孫皆為謬矣郭璞芎苢贊車前之草
別名芎苢王會之云其實如李名之相亂在乎疑似
詩芎苢釋文云山海經及周書王會皆云芎苢木也
實似李食之宜子出於西戎衛氏傳及許慎並同此
王肅亦同王基已有駁難也馥案衛氏傳衛宏詩傳
也王基駁云王會所記雜物禽獸皆四夷遠國各貢
土地異物以為貢贄非周南婦人所得采

芎苢 芎苢也從艸尋聲徒舍切

芎苢也者釋草文彼作沈藩郭注生山上葉如韭一
日堤母本書芎苢母也本草知母一名蚘母一名堤
母一名葦蓬一名沈燔一名芎生河內川谷陶注今
出彭城似芎蒲而柔潤葉至難死掘出隨生須枯燥
乃止 尋聲也者本書無尋字

芎苢 尋或從文

尋或從文者爾雅從文釋文云或作尋是尋為正文
尋乃或體本書尋從彡云與毇同意馥案謂毇從文

得亦當從文說見得下

初有叶

𦵏

艸也從𦵏聲

古歷切

𦵑

艸也從艸區聲

去鳩切

艸也者玉篇區烏蘆也廣韻區烏蘆草名釋草莢亂

注云江東呼為烏蘆釋文云區郭音丘說文云烏蘆

草也張揖云未秀曰烏蘆詩衛風葭莢揭箋云亂

江東呼為烏蘆

𦵒

艸也從艸固聲

古慕切

𦵓

艸也從艸榦聲

古紫切

𦵔

諸蔗也從艸諸聲

章魚切

初有叶

諸蔗也者廣雅王廷儲莫署預也子虛賦諸柘巴苴

張揖曰諸柘甘柘也古文苑蜀都賦黃甘諸柘注云

諸柘甘蔗也馥案南齊書扶南國傳有甘蔗諸蔗分

為二物西京雜記諸蔗二十五區本草甘蔗味甘平

陶云今出江東為勝廬陵亦有好者廣州一種數年

生皆如大竹長丈餘取汁以為沙糖甚益人又有荻

言文解字義疏 卷三
蔗節疎而細亦可噉也蔗有兩種赤色名崑崙蔗白色名荻蔗出蜀及嶺南為勝蜀本圖經云葉似荻高一丈許有竹荻二蔗竹蔗莖粗出江南荻蔗莖細出江北霜下後竿其汁為沙糖通俗又荊州出竿蔗或作甘柘一物也荊州圖副百里洲特宜五果甘柘梨蔗於此是出永嘉郡記樂成縣菰子浦出好甘蔗寰宇記資州土產甘蔗南州異物志儋耳夷食蔗異物志甘蔗遠近皆有交趾所產特醇好本末無厚薄其味

初以錫下日

錫似錫謠

甘園數寸長丈餘頗似竹斷而食之既甘生取汁為飴錫益珍煎而暴之凝如冰吳錄地理志交趾句扁縣甘蔗大數寸其味醇美異於他處竿以為錫暴之凝如冰破如博碁入口消汁南方草木狀諸蔗一曰甘蔗交趾所生者園數寸長丈餘頗竹斷而食之甚甘竿取其汁曝數日成飴入口消釋彼人謂之石蜜南人云甘蔗可消酒司馬相如樂歌太尊蔗漿析朝醒是其義也泰康六年扶南國貢諸蔗一丈三節楚

王荈也從艸負聲房九切

王荈也者廣雅玉白荈也玉篇荈小豆四月生荈秀

也管子地員篇其種大荈細荈詩七月四月秀萋傳

云萋萋草也箋云夏小正四月王荈秀萋其是乎馥

紫穆天子傳芋荈兼萋是萋荈不同物月令孟夏之月

王瓜生注云今月令云云王荈生呂氏春秋作王菩

生高注菩或作瓜瓜歎也馥紫菩即荈郭注穆天子

傳荈今菩字漢書宣帝紀荈陽宮東方朔傳作倍陽

王荈

顏注倍陽即荈陽也禹貢陪尾山或作負尾山本草
荈生田中葉青刺人有實七月采陰乾馥紫七月與
夏正之四月秀不合

艸人艸也味苦江南食以氣下從艸天聲烏浩切


艸也者本書薊芙也釋草鉤芙郭云大如拇指中空


莖頭有臺似薊初生可食釋草又云芙薊其實荈注

云芙與薊莖頭皆有薊臺名荈荈即其實也本草苦

芙蜀本圖經云子若貓薊莖圓無刺五月采苗堪生


嗽所在下溼地有之 味苦江南食以下气者本書
東
蔓引劉向說此味苦苦蔓也江南爾雅釋又引作江

 艸也從艸弦聲 胡田切

 圃也從艸圃聲 圃籀文圃 于救切

圃籀文圃者徐鉉據徐鍇繫傳加之

 苜也從艸孚聲 芳無切

 兔瓜也從艸寅聲 翼真切

兔瓜也者釋草文彼作菟太平御覽引孫炎云一名

瓜裂紫釋草下文云苜蓿豕首孫以苜字屬上本書

蓿豕首亦無苜字馥疑釋草原文云黃菟瓜瓜苜表

二名說文但舉兔瓜也雲南人多賣者謔為土瓜形

似扁蘆菹色白食之甘脆

 馬帚也從艸并聲 薄經切

馬帚也者釋草文注云似著可以為掃 韋廣雅馬帚

屈馬第也玉篇刷(菴)也管子地員篇萎下於莽莽下

於蕭李時珍曰此即蒿草謂其可為馬刷故名馬帚
今河南人謂之鐵帚或借羊字夏小正七月羊秀傳
云羊也者有馬帚也

𦵏

水邊艸也從艸猶聲

以周切

水邊艸也者釋草首蔓于郭云多生水中一名軒于
江東呼首孫炎注帝登嵩山遭猶芋草毒將死得蒜
嚙之乃解于虛賦菴閣軒于張揖曰軒于猶草也生
於水中揚州有之後漢書馬融傳格韭菹于注云于

軒于也一名猶生於水中淡本草釋文拾遺猶草生
水田中似結縷六書故今魚腥草又名水生草細葉黃
花馥紫管子地員篇其草魚腸與猶魚腸即魚腥非
猶草艸

𦵏

艸也從艸安聲

烏肝切

𦵏

蒸月爾也從艸蒸聲

渠之切

蒸月爾也者釋草文釋文引作土夫程君琰曰爾雅
芰夫王句蒸月爾句釋文所引是許氏原文讀芰夫

為一句今說文係後人據郭而改者錢君大昭曰釋
草芰夫王纂月爾陸氏釋文引說文纂土夫也則土
夫也王纂也月爾也一物三名郭璞以芰夫為一物
云芰草生海邊似莞閩今南越人采以為席以纂月
爾為一物云即紫纂也陸氏所見說文是唐初之本
可以證郭注之失今說文以纂為月爾者是俗儒因
郭注二物不同改說文以合之也後漢書馬融傳芰
芰云菹廣雅芰纂菹也李時珍曰紫芰似蕨有花而

味苦謂之迷蕨初亦可食齊民要術引詩義疏纂菜
也葉狹長二尺食之微苦即今莫菜也詩彼汾沮洳
言采其莫傳云莫菜也陸機疏云莫莖大如箸赤節
節一葉似柳厚而長有毛刺今人縲以取繭緒其味
酢而滑始生可以為羹又可生食五方通謂之酸迷
蕨蕨之人謂之乾絳河汾之間謂之莫六書故蕨有二
有蕨其有根其蕨其初出土紫色拳如小兒手可食
其根掘而擣之取粉可食凶年以禦飢謂之烏昧亦

謂烏稔詩釋文云蕨初生似鼈脚故名烏馥謂即蕨
其故戴云拳如小兒手

蕨

兔葵也從艸稀省聲

秀衣切

兔葵也者釋草文郭云頗似葵而小葉狀如藜有毛
灼啖之滑太平御覽引廣志兔葵淪之可食本草菟
葵味甘寒唐本注云苗如石龍芮葉光澤花白似梅
莖紫色煮汁極滑堪噉爾雅釋草一名希所在平澤
皆有田間人多食之衍義云唐^劉夢得還京云唯菟葵

燕麦動搖春風者是也 稀省聲者徐錯本作希聲

王君念孫曰考說文稀字注云疏也從禾希聲徐錯
辯之云當言從禾文中無聲字後人加之文者稀疏
之義與爽同意中亦是其稀象至菴與稀皆從稀省
何以知之說文中部文部並無希字以是知之念孫
按徐錯以為希晞皆從稀省故徐鉉於菴字注改為
從艸稀省聲又昕字注云讀若希則本書原有希字
而外從希聲者尚有九字又可一一改為稀省聲也

初小系

初李有也今考說文菴晞
晞晞都稀希希希希希
並從希省聲 以脫
刻李有明也稀字 以脫

乎

灌渝從艸夢聲讀若萌莫切

灌渝者孫君星衍曰釋文草其萌蘗渝萌與夢通灌
渝即權與釋詁權與始也郭注以渝屬下非是馥案
釋草葭華兼蘆莢亂其萌蘗渝葦華榮本書葦
艸之皇榮也亦以渝屬上郭注爾雅方言山海經諸
書但引字林而不及說文蓋未見許書也廣雅夢蘗
也呂氏春秋任地篇子能使灌夷毋淫乎高注淫延生

馥謂夢即延生之別出者也

讀若萌者惠棟曰

鄭康成齊人謂萌為蒙說文云夢讀若萌是古萌蒙
夢同音錢君大昭曰大戴禮孟春百草權輿羽獵賦
萬物權輿於內徂落於外萌者始生也萌與夢通故
言讀若馥案月令草木萌動莊子則陽篇曰兼葭始
萌

葭音盜庚也從艸復聲房六切

案葭當作夏夏從高省高從高省凡魚部之鰻虫部之

蠖並當改從夏復古編筆迹小異字有夏夏二體亦以夏為正

盜庚也者釋草文郭云旋復似菊本草旋復花一名戴樵一名金沸一名盛樵生平澤川谷陶云出近下涇地似菊花而大圖經云今所在有之二月以後生苗多近水旁大似紅藍而無刺長一二尺已來葉如柳莖細六月開花如菊花小銅錢大深黃色上黨田野人呼為金錢花馥紫吾鄉俗呼為六月菊

卷耳也從艸令聲

郎丁切

卷耳也者釋草卷耳苓耳郭云廣雅曰泉耳也亦云胡泉江東呼為常泉或云苓耳形似鼠耳叢生如盤詩周南采采卷耳傳云卷耳苓耳也陸疏葉青白色似胡荽白華細莖蔓生可煮為茹滑而少味六月月中生子如婦人耳中璫今或謂之耳璫幽州人謂之爵耳廣雅苓耳菹常泉胡泉泉耳也本草菹耳實一名胡菹一名地葵一名菹一名常思生安陸川谷及

六安田野陶云此是常思菜僮人皆食之以葉覆麥
作黃衣者一名羊負來昔中國無此言從外國遂羊
毛中來圖經云謹案詩人謂之卷耳爾雅謂之苓耳
廣雅謂之算耳皆以實得名也離騷蕓菜菘以盈室
兮王注菘算耳也淮南覽冥訓位賤尚泉高云尚主
也泉泉耳菜名也幽冀謂之檀菜雜下謂之胡泉主
是官者至微賤也陳啟源曰卷耳即今藥中蒼耳子
也異名最多曰苓耳曰菘曰菘耳曰胡菘曰耳瑄草

曰胡荽曰爵耳曰羊負來曰常菘陶隱居云僮人皆
食之謂之常思菜常思者其常菘之謠乎列子釋文
引蒼頡篇云萁耳一名蒼耳埤雅引荆楚記亦同卷
耳之即為蒼耳信矣

蕓

艸也從艸贛聲一曰蕓苜

古送切又古禪切

一曰蕓苜者本草蕓苜仁一名贛陶云交趾者子最
大彼土呼為蕓珠集韻作苜云蕓苜子

蕓

茅菴也一名蕓從艸復聲

渠營切

茅菑也者釋草葍茅郭云菑華有赤者為葍葍一
種耳離騷索葍茅以筵萑王逸云葍茅靈草也一
名薜者薜當為薜本書薜州也楚謂之菑秦謂之葍
蔓地連華詩有女同車顏如薜華陸疏菑一名葍其
華有兩種一種莖葉細而香一種莖赤而有臭氣

菑

菑也從艸富聲

方又切

菑也者菑菑聲相近釋草菑雀弁郭云未詳翟灝補
注云詩小雅言采其菑陸機疏曰菑一名當河內人

謂之菑幽州人謂之燕菑一名爵弁有兩種一種莖
葉細而香一種莖赤有臭氣爵弁名為此文確證菑
則菑之傳寫別舊本菑或作菑釋文云菑又古本反
可驗也儀禮士冠禮爵弁服纁裳注曰爵弁色赤而
微黑如雀頭然此草既借以立名則詩疏兩種中可
斷為赤莖之一種後文菑當則莖葉細而香者也郭
氏以菑葍茅為菑之赤者故致此不得解離騷索葍
茅以筵萑王逸章句謂葍香草若赤菑則有臭氣豈

得云香草乎今詩正義省節陸氏義疏不著爵弁名
右文為魏賈思勰齊民要術所引河內謂之藜又別
見毛晉陸疏廣要管子地員篇其草藜與萎風土記
藜蔓生被樹結實也狀如牛角一枝數枚味甘如蜜
一名甘藜夏統別傳注云藜藜也詩小雅我行其野
言采其藜傳云藜惡菜也箋云藜當也亦仲春時生
可采也馥謂惡菜即陸疏有臭氣者本草通草生石
城山谷及山陽陶云今出近道繞樹藤生汁白莖有

細孔兩頭皆通含一頭吹之則氣出彼頭者良或云
即藜藤莖唐本注云此物大者徑三寸每節有二三
枝枝頭有五葉其子長三四寸核黑瓤白食之甘美
南人謂為藜藜或名烏藜今言藜藤藜藜聲相近爾
陳士良食性本草云藜藜子是木通實莖名木通馥
紫唐本藜藜即陸疏燕當乃藥中木通本草謂之通
草今婦女所戴假花俗亦呼通草花此是通脫木非
通草陳藏器云通脫木葉似草麻心中有瓤輕白可

說文解字義詁林卷三
愛女功取以飾物爾雅云離南活脫也

𦵏 當也從艸昌聲

方六切

當也者釋草文郭云大葉白華根如指正白啖本書
舜楚謂之當當廣引作當

𦵏 苗也從艸脩聲

徒聊切又湯彫切

苗也者脩苗聲相近釋草蓀蓀文云苗蓀郭云未詳
馥蓀蓀即蓀之異文轉寫致誤也地理志信都國修
縣顏注修音條功臣表亞夫紹封修侯本傳作條侯

顏注縣在渤海地理志作修字其音同爾十道志蓀
縣本漢條縣也景帝封周亞夫為條侯後改為蓀管
子地負篇黑埴其草宜蓀蓀詩小雅言采其蓀傳云
蓀惡菜也箋云蓀牛顏也釋文云蓀本又作蓄馥蓀
蓀與蓀苗聲相近易其欲逐逐漢書叙傳作攸攸本
書笛周禮笙詩作蓀然則蓀一名蓀一名苗苗即蓀
也釋名云蓀滌也蓀滌皆從條聲也齊民要術引詩
義疏云今羊蹄似蓀蘆莖赤煮為茹滑而不美多噉

初小韻
廣下有批文

初小又

令人下痢揚州謂之羊蹄幽州謂之遂一名菴本草
羊蹄苦寒一名蓄陶云今人呼為禿菜即是蓄音之
訛圖經云詩小雅言采其遂遂字或作蓄並取六切
馥紫味苦寒故多噉下痢毛傳所謂惡菜也

由

菴也從艸由聲徒歷切又他六切

菴也者釋艸文

易

艸枝枝相值葉葉相當從艸易聲褚羊切

艸枝枝相值葉葉相當者吳普本草一名烏頭莨葉

四四相當馥謂莠莠聲相近又紫黃芩葉兩兩四四
相值亦見吳本草古詩枝枝自相對葉葉自相當又
花花自相對葉葉自相當

嬰

嬰奠也從艸嬰聲於六切

嬰奠也者詩豳風六月食鬱及奠傳云奠嬰奠也戴
侗曰詩七月所謂奠即嬰奠也蔓生類蒲桃六月熟
甌越諺云嬰奠熟食新粥正詩六月所食也廣雅燕
奠奠舌也魏王花木志燕奠實如龍眼黑色說文謂

說文解字義詁 卷三 九十八
之嬰奠詩疏一名車鞅藤陳葳器云按奠奠是山蒲
桃折斷藤吹氣出一頭如通草以水浸吹取氣滴目
中去熱腎赤障

𦉳

馬蓋也從艸咸聲

職深切

馬蓋也者釋草文郭云今大葉冬蓋也本草圖經蓋
有數種有菘蓋可以為澱亦名馬蓋爾雅所謂歲馬
蓋是也史記司馬相如傳其高燥則生歲薪苞荔徐
廣曰歲馬蓋也漢書音義張揖曰歲馬蓋也通志馬

蓋田野人以為菜茹

𦉴

艸也從艸魯聲

郎古切

艸也從艸者釋草茵蘆郭云作履苴草邢疏以為
蕝類

𦉵

魯或從鹵

蕝或從鹵者本書檣或鹵與此同

𦉶

艸也從艸𦉶聲

若怪切

艸也者廣雅類茅蕝也成九年左傳雖有絲麻無蕝

管蒯淮南說林訓有羅紃者必有麻蒯止遲表麻絲
是蓄管蒯靡遺馥案蔽可為繩索聲蔽草中為索文
選西京賦草則歲莎管蒯注云蒯草中為索史記孟
嘗君傳馮先生甚貧猶有一劍耳又蒯緱集解云蒯
音苦怪反茅之類可為繩言其劍把無物可裝以小
繩纏之是也又可為席玉藻出朽履蒯席注云蒯席
澀便於洗足也三輔黃圖上林苑中蒯池生蒯草以
織席宋書地禮志蒯席各二不設茵蓐古者席藁江

左用蒯是也又可為屨喪服傳疏屨者藁蒯之菲也
是也 𠂔聲者本書無𠂔字廣韻𠂔太息玉篇𠂔𠂔
息即噴字義爾雅𠂔孫炎本作噴左傳膳宰屠蒯禮
記作杜菁本書𠂔或作擊俗作蒯者玉篇𠂔斷也刪
斫也刪又刪之俗體徐鉉謂最字之省而聲不相近
𠂔小字本作𠂔𠂔聲皆近但本書別有𠂔字𠂔𠂔
皆誤也六書故引作𠂔注云疾正切此聲不相近者
也

薑艸也。可以烹魚。從艸婁聲。力朱切

艸也者。玉篇。莖薑蒿也。詩漢廣。翹翹錯薪。言刈其薑。傳云。薑草中之翹翹然。釋文云。馬云。薑蒿也。陸疏云。其葉似艾。白色。長數寸。高丈餘。好生水邊。及澤中正。月根芽生。旁莖正白。生食之香。而脆美。其葉又可蒸。為茹。王逸注。大招云。薑香艸也。本草綱目。薑蒿生陂澤中。二月發苗。葉似嫩艾。而細。正面青。背白。其莖或赤。或白。其根白脆。采其根莖。生熟。道暴。皆可食。蓋嘉

蔬也。景差大招云。吳酸蒿薑。不霑薄。謂吳人善調酸。醎淪。薑以為齏。其味不濃。不薄。而甘美也。可以烹魚者。烹小字。本作亨。釋草。藟。藟。郭注云。藟。藟。藟也。今江東用羹魚。

藟

艸也。從艸。藟聲。詩曰。莫莫葛藟。一曰。藟也。力軌切

艸也者。廣雅。藟。藟也。似葛。而麤。大者。押韻釋疑。藟似葛。葉似艾。白色。子亦可食。後漢書。崔駰傳。條垂藟。蔓注云。藟。藟也。易困卦。上困于藟。藟正義云。藟。藟引蔓。

纏繞之草班固幽通賦覽葛藟而授余兮眷峻谷曰
勿墜顧愷之啓蒙記濟天台山石橋者援女蘿葛藟
之莖文六年左傳葛藟能庇其本根注云葛之能藟
蔓繁滋者以本枝廕庇之多馥紫葛藟藟州杜謂葛
之藟蔓非是詩樛木南有樛木葛藟之箋云木枝以
下垂之故故葛也藟也得累而蔓之寡婦賦顧葛藟
之蔓延兮李善云葛藟二草名漢書楊王孫傳葛藟
為緘顏云藟亦草名葛之類也 藟聲者本書無藟

字壘累驚皆從晶聲玉篇晶音雷田間也 詩曰莫
莫葛藟者大雅旱麓文 一曰柎也者劉向九歎
葛藟藟於樹兮王注葛藟巨荒也齊民要術引詩義
疏藟巨荒也周易困卦釋文引詩疏藟一名巨荒詩
樛木正義引作巨荒誤也



棘藟也從州冤聲切於元

棘藟也者釋草蔓繞棘藟郭注今遠志也似麻黃赤
華葉銳而黃廣雅王連棘苑遠志也其上謂之小草

知此上

本草遠志味苦溫葉名小草一名棘菀一名萋繞一
名細草生太山及宛句川谷圖經云遠志根黃色形
如蒿根苗名小草似麻黃而青葉赤似大青而小者
三月開花白色根長及一尺

艸

此艸也從艸比聲

將此切

此艸也者廣雅此草也西山經勞山多此艸郭注一
名此草中染紫也御覽引本書作紫草地官掌染艸
掌以春秋斂染艸之物注云染草紫葍之屬本草紫

知有此草

知有此草

草一名紫丹一名紫芙蓉唐本注云苗似蘭香莖赤節
青花列仙傳商客能致紫草賣與染家博物志平氏
陽山紫草特好其他者色淺廣志隴西紫草紫之上
者本書菀此菀名醫別錄紫菀菀一名紫菀

艸

此草也從艸類聲

莫覺切

此艸也者釋草文彼作菀郭云可以染紫

艸

烏喙也從艸則聲

阻力切

鹽鐵論雖以進壤廣地如食煎之充腸也 廣雅獲奚

毒附子也一歲為萌子二歲為烏喙三歲為附子四歲為烏頭五歲為天雄 名醫別錄作側子陶云此即附子邊角之大者唐本注云側子只是烏頭下共附子天雄同生小者側子與附子皆非正生謂從烏頭旁出也 以小者為側子大者為附子今稱附子角為側子理必不然 雷公炮炙論徧體癆風冷調生側 元和志龍川貢烏頭附子天雄側子

烏喙也者御覽引作烏頭也吳普本草烏頭始生葉厚莖方中空葉四四相當與蒿相似烏喙形如烏頭有兩政相合如鳥之喙名曰烏喙也淮南繆稱訓天雄烏喙藥之凶毒也良醫以活人史記蘇秦列傳臣聞飢人所以飢而不食烏喙者為其偷充腹而與餓死同患也索隱云今之毒藥烏頭是急就篇烏喙附子椒茺華顏注烏喙形似鳥之嘴也附子附大根而旁出也此與烏頭側子天雄本同一種但以年歲遠近為殊採之有異功用亦別神農本草夏至之日豕

首茱萸先生為牡蠣烏喙使晉語置茱於肉賈逵云
董烏頭也博物志烏頭天雄附子一物春秋冬夏采
各異也淮南王術訓天下之物莫凶於雞毒然而良
醫橐而藏之有所用也高云雞毒烏頭也四民月令
三月可采烏頭范子計然烏頭出三輔中白者善後
魏書匈奴秋收烏頭為毒藥以射禽獸

蕙

茅菟茹蕙人血所生可以染絳從草從鬼所鳩切
茹蕙形如小兒手拳吾鄉青州有之多生祠廟側

茅菟茹蕙者釋草茹蕙茅菟詩東門之墀茹蕙在阪

傳云茹蕙茅菟也釋文云茹蕙茅菟菑草也地官掌

染草掌以春秋斂染草之初注云染草茅菟之屬中

山經釐山其險多菟注音搜茅菟今之菑草詩出其

東門縞衣茹蕙傳云茹蕙茅菟之染本書韎茅菟染

韋也詩韎韐有奭箋云韎韐者茅菟染也 人血所

生可以染絳者當在苗下從鬼者當云鬼聲詩鄭箋

云茅菟韎韐聲也韋昭云急疾呼茅菟成韎

說文解字卷之三
茅蒐也從艸西聲蒼見切

本書績赤繒也以茜故謂之績 史記貨殖傳若干畝

厄茜徐廣曰茜一名紅藍其花染繒赤黃也 廣雅地

血茹蘆蒨也 陸氏詩疏茹蘆茅蒐蒨草也一名地血寰

宇記光州出茜草泉州貢紅花茜緋 馥案字或作蒨

雅記注云蒨染赤色者也定四年左傳分康叔以大路

少帛績蒨旃旌杜云績蒨大赤取染草名也士冠禮注

云靺鞨緇鼓也士染以茅蒐因以名焉今齊人名蒨為

知小赫鞞

靺鞨鄭駁異義靺草名齊魯之間言 聲如茅蒐字當
作靺陳留人謂之蒨范子計然蒨根出北地赤色者善
也

茅蒐也者一切經音義引云茅蒐也人血所生可以

染絳從草西聲本草圖經茜根染緋草也許慎說文

解字以為人血所生通志茜亦作蒨可以染緋故曰

地血亦曰茹蘆曰茅蒐齊之人謂之茜莖葉麗澁而

根紅故許慎謂人血所生玉篇云說文曰茜茅蒐可

說文解字卷之三

以染緋郭注爾雅今之菹也可以染絳本草茜根可
以染絳一名地血一名茹蘆一名茅蒐一名菹陶云
此則今染絳茜草也韋昭國語注茅蒐絳草即今之
菹也魏報倭女王菹絳五十匹馥紫人血所生可以
染絳八字今誤在菹下 西聲者本遷書或從手西

赤蘼 赤蘼也從艸隸聲息利切

赤蘼也者廣雅葦藜也玉篇蘼葦也馥謂筆當為蘼
葦當為蘼赤蘼者藜蘆葉有赤文者也

牡贊 牡贊也從艸辟聲蒲計切

牡贊也者釋草文云郭云未詳案漢書司馬相如傳
薜莎青蘋張揖曰薜藟蒿釋草草藟蕭郭云今藟蒿
也初生亦可食詩呦呦鹿鳴食野之苹箋草藟蕭也
陸疏葉青白色莖似著而輕脆始生香可生食又可
蒸食馥謂草藟一聲之轉


杜榮 杜榮也從艸志聲武方切

杜榮也者釋草文郭云今芒草似茅皮可以為繩索


初作稿

刻則

履屨也華嚴經音義惹草一名杜榮西域既自有之
 江東亦多此類其形似荻皮重若笋雜字解詁芒杜
 榮俗說劉真長織芒屨以養母齊書沈瑀使吏着芒
 屨梁書童謠云脫青袍着芒屨陳書沈眾恒穿布袍
 芒屨本草敗芒泊云今東人作箔多草為之爾雅云
 芒似茅可以為索六書故有黃芒白芒白芒柔思不
 及黃芒馥案又有青芒風土記云美朱爽之輕屨朱
 爽赤藤為屨輕似青芒草

 艸也南陽以為麤履從艸包聲 布交切

艸也者漢書司馬相如傳其高燥則生葦析苞荔張
 揖曰苞蔗也本書蔗蔽屬 南陽以為麤履者麤當
 為麤本書麤草履也禮記苞屨不入公門曲禮苞屨
 扱衽注云苞蔗也齊衰蔗蒯之菲也

 冰臺也從艸入聲 五蓋切

急就篇半夏皂莢艾橐吾 四民月令三月可采艾本
 草圖經艾初春布地生苗莖類蒿而葉背白似苗短者

知小葉
樂當是桀

為佳采葉暴乾經陳久方可用 孟子七年之艾 詩
 采葛彼采艾兮傳云艾所以療疾 師曠占歲欲病病
 草先生艾是也 孔璠之艾賦艾正而賤蘭妖而珍言
 堯則樂對舉蘭則艾因
 冰臺也者釋草文郭云今艾蒿本草艾葉一名冰臺
 楚詞離騷戶服艾以盈要兮注云艾白蒿也或言艾
 非芳草一名冰臺孔璠之艾賦艾正而賤蘭妖而珍
 故言堯則桀對舉蘭則艾因

草艸也從艸章聲 諸良切

艸也者玉篇章柳當陸別名

楚葵也從艸斤聲 巨中切

謝靈運山居賦以芹為水草 祭統水草之菹注云芹
 芹之屬 周處風土記萍蘋芹菜之別名也 詩泮水
 薄采其芹箋云芹水菜也正義云采菽云感沸溫泉言
 采其芹芹生於泉水是水菜也 本草水蘄味甘平一
 名水英生南海池澤陶云其二月三月作英時可作菹

及熟燻食之別本注云即芹菜也芹有兩種菹芹取根
白色赤芹取莖葉並堪作菹及生菜蜀本圖經云生水
中葉似芎藭花白色而無實根亦白色爾雅云芹楚葵
注今水中芹菜 五音集韻芹水菜食之宜丈夫
楚葵也者釋草文郭云今水中芹菜呂氏春秋本味
篇雲夢之芹注云雲夢楚澤芹生水涯



豕首也從艸豕聲

豕首也者釋草文釋草云黃菟瓜荊豕首御覽引

孫炎云黃一名瓜裂是孫以荊屬上以菟為豕首正

與本書同呂氏春秋任地篇凡草生歲日中出豕首

生而麥無葉皆成熟也究畢也刈麥畢也馥紫神農

本經夏之日豕首先生此正麥熟時吳普曰六月花

八月九月實是夏生秋實即天門精也本草天門精

味甘寒一名麥句薑一名蝦蔞藍一名豕首一名天

門精一名玉門精一名彘顱一名蟾蜍蘭一名覲生

平原川澤陶隱居云此即今人呼為豨荃亦名豨首

新中... 此若民穴... 庶此... 也... 也...

味至苦而云甘恐或非是唐本注云鹿活草是也別錄一名天蔓菁南人名為地菘味甘辛故有薑稱狀如藍故名蝦蟇蓋香氣似蘭故名蟾蜍蘭其豨蒼苦而臭名精乃辛而香全不相類也馥案天名精即豕首並非豨蒼唐本辨之是也以為鹿活草者又名劉攄草異苑云宋元嘉中青州劉攄射中一麋既剖五歲以此草塞之蹶然而起去之則仆如此者三是以知其治折傷故其草得鹿活劉攄之名

初作苑

寄生也從艸鳥聲詩曰葛與女蘿都了切

寄生也者釋木寓木宛童注云寄生樹一名葛中山

經龍山上多寓木郭云寄生也易寄生林無根後漢書

注百草至寒皆凋落惟寄生獨榮於桑上唐書李德

裕傳松柏之為木孤生勁特無所因依蘿葛則不然

弱不能立必附他木寰宇記黃州出松蘿本草桑寄

生一名寓木一名宛童一名葛陶云桑上者名桑寄

生耳詩人云施于松上則各隨其樹名之生樹枝間

寄根在皮節之內葉圓青赤厚澤易折旁自生枝節
冬夏生四月花白五月實赤大如小豆唐本云此多
生榭檉柳水楊楓等樹上子黃大如小棗子惟虢州
有桑上者子汁甚黏核大似小豆葉無陰陽如細柳
葉而厚軟莖蘆短實九月始熟而今稱五月實赤大
如小豆蓋陶未見也 詩曰蔦與女蘿者類并文傳
云蔦寄生也釋文云蔦說文音弔寄生草也陸疏云
蔦一名寄生葉似當盧子如覆盆子赤黑甜美女蘿

今兔絲蔓連草上生黃赤如金今合藥兔絲子是也
非松蘿松蘿自蔓松上生枝正青與兔絲殊異
蔦或從木

蔦或從木者爾雅釋文蔦說文或作鵠費鳳別碑鵠
與女蘿性藥松之茂好

艸也似目宿從艸云聲淮南子說芸草可以死復

生王分切

夏小正五月采芸二月榮芸 隋書律歷志所載月令

說文解字卷之三

冬至次候芸始生 成公綏芸香賦莖類秋竹葉象春

檉 傳傳咸芸香賦繁茲綠蕊茂此翠莖葉芟蓀以纖

折兮枝婀娜以回縈象春松之含曜兮鬱蒼蔚以蔥青

魚秦魏畧芸台香辟紙魚蠹故歲書台稱芸台 景

福殿賦芸若充庭 晉宮閣名太極殿前芸香四畦式

乾殿前芸香八畦 洛陽宮殿薄顯陽殿前芸香一株

徽音殿前芸香二株含英殿前芸香二株

艸也者月令仲冬之月芸始生注云芸香草也皇疏

云應陽氣而生後漢書陳寵傳十一月有蘭射干芸

荔之應注云芸香草又馬融傳苾苾芸菹注云芸香

草也說文云似苜蓿夢溪筆談芸香草也今人謂之

七里香者是也葉類豌豆作小叢生其葉極芬香秋

間葉間微白如粉汚辟蠹殊驗馥紫芸亦菜屬倉頡

解詁芸蒿似邪蒿香可食急就篇芸蒜薺芥菜萸香

顏注芸即芸蒿也生熟皆可嚼呂氏春秋本味篇陽

華之芸注云芸芳菜也在吳越之間 似目宿者玉

篇作首菴引漢書屬賓國多首菴宛馬所嗜漢書西域傳大宛國馬嗜目宿漢使采蒲陶目宿種歸益種蒲陶目宿離宮館旁極望馬顏注今北道諸州舊安定北地之境往有目宿者皆漢使所種也本草首陶云長安中乃有菴首園外國復別首菴草衍義云唐李白詩云天馬常啣首菴花是此陝西甚多飼牛馬嫩時人兼食之西京雜記首菴一名懷風時人或謂之光風風在其間常蕭蕭然日照其花有光采故名首

菴為懷風茂陵人謂之連枝草晉書武帝登凌雲台望見華廡首菴園阡陌甚整郭仲產仇池記城東有首菴園馥紫或借牧字後漢書馬融傳其土毛則推牧薦草牧即目宿又或作較郭璞爾雅注今謂牛芸草為黃華葉似菴菴淮南子說本書網下亦引淮南王說芸艸可以死復生者疑出萬畢術西京雜記淮南王安著鴻烈二十一一篇鴻大也烈明也言大明禮教號為淮南子一日劉安子馥紫即今所傳淮南

子無芸死復生之說金樓子云淮南王作內書二十一篇外書甚衆又有中篇言神仙黃白之術亦二十餘萬言今皆不傳

艸 艸也從艸數聲 廣韻最切

律 艸也從艸律聲 呂戍切

艸也者本草葎草生故墟道旁唐本注云葉似單麻而小薄蔓生有細刺俗名葛葎蔓圖經云今處處有之花黃白亦類麻子又名葛勒蔓

刺 刺也從艸束聲 楚勒切

刺也者釋草文彼作刺郭云草刺針也廣雅刺箴也方言凡草木刺人北燕朝鮮之間謂之萊自關而西謂之刺江湘之間謂之棘

瓜 瓜妻果羸也從艸昏聲 古活切

淮南則訓孟夏之月王瓜生高注王瓜色赤感火之色而生 呂氏春秋孟夏之月王善生高注善或作瓜瓜 瓠瓠也是月乃生 急就篇芎藭厚樸桂枯樓顏注枯

言文解字集說 卷三
樓一名果羸一名王瓜亦曰天瓜禮月令孟夏之月王
瓜生鄭康成以為草挈非也 陸機瓜賦枯樓樓定陶
元和志陝州貢瓜萎

皆婁果羸也者果羸小字本及李燾本並作果菰集
韻類篇亦引作果菰李時珍曰枯樓一名果羸羸與
菰同許慎云木上曰果地上曰菰此物蔓生附木故
得兼名枯樓即果羸二字音轉也後人又轉為瓜萎
愈轉愈失其真矣古者瓜姑同音故有澤姑之名豸

洪音是宏

風東山果羸之實亦施于宅字毛傳果羸枯樓也釋草
果羸之實枯樓李巡曰枯樓子名也孫炎曰齊人謂
之天瓜本草枯樓根味苦寒一名地樓一名果羸一
名天瓜一名澤姑實名黃瓜生洪農川谷及山陰地
陶云出近道藤生狀如土瓜生而葉有義洪農川毛詩云果羸
之實亦施于宇其實今以雜作手膏用馥紫魏武帝
上雜物疏有純銀澡豆奩純銀枯樓奩皆手膏器也

說文解字集說 卷三
須從也從草封聲府容切

須從也者釋草文當云須葍從脫葍字孫炎曰須一
 名葍從御覽舊注江東呼蕪菁為菘字林葍蕪菁苗
 也齊魯云詩邶風谷風采葍采菲傳云葍須也箋云
 蔓菁也釋文云葍徐音豐字書作薑郭樸云今菘菜
 也坊記引詩采葍采菲注云葍蔓菁也詩鄘風桑中
 爰采葍矣箋云葍蔓菁方言薑蕪蕪菁也陳楚之間
 謂之薑齊魯之郊謂之蕪闕之東西謂之蕪趙魏之
 郊謂之大芥其小者謂之辛芥或謂之幽芥郭注薑

舊音蜂今江東音嵩字作菘也馥案陶隱居云蕪菁
 根細於溫菘而葉似菘烝其根及作菹皆好但小蕪
 臭爾齊民要術云菘葉似蔓菁無毛而大詩谷風釋
 文云江南有菘江北有蔓菁相似而異



菘藜也從艸齊聲詩曰牆有薺疾皆切又徂禮切

菘藜也者釋草文彼作茨玉篇資菘藜也雜騷資菜
 菘以盈室兮王注資菘藜也詩曰楚楚者資大戴禮
 采茨玉藻作采齊鄭注齊當為楚齊之薺周禮春官

言文解字集言卷三
樂師趨以采薺容齊三筆茨為蒺藜切脚語也詩楚
茨萋云茨蒺藜也尹文字堯為天子土階三尺茅茨
不翦文三年穀梁傳茅茨盡矣范云茨蒺藜梁異別
傳子產治鄭蒺藜不生師曠占歲欲旱旱草先生蒺
藜是也說苑晉平公布蒺藜於階上召師曠師曠解
履刺足元和志同州貢蒺藜子本草蒺藜子一名即
梨一名茨生馮翊平澤或道旁陶云多生道上而葉
布地子有刺狀如菱而小長安最饒人行多著木履

今軍家乃鐵鐵作之以布敵路亦呼蒺藜易云據于
蒺藜言其凶傷詩云牆有茨不可掃也以刺梗穢也
馥案藝文類聚引本書薺州可食也御覽引同詩邶
風誰謂荼苦其甘如薺廣雅薺薺魚薺也呂氏春秋
五月紀陰陽爭死生分注云薺麥亭^棘刺刺之屬死
又任地篇孟夏之昔殺三葉高云薺亭^棘莫也是
月之季枯死春秋繁露薺以冬美水氣也薺甘味也
乘於水氣故美甘勝寒也薺之言濟所以濟大水也

初小昔
昔當是月

藜謂薺下當有蒺藜一曰艸可食二義今脫缺 詩

曰牆有薺者鄙風文彼作茨傳云茨蒺藜是也

薺 菜也從艸刺聲切賜

菜也者釋草文玉薺芒也草木針也

董 鼎董也從艸童聲杜林曰蕩根切多動

鼎董也者釋草類蕒董戴侗引舊注狀似蒲而細可為

屨亦可為索廣雅類蔽也 杜林曰蕩根者廣韻董

蕩根

藜 狗毒也從艸繫聲古詣切

狗毒也者釋艸文樊光云俗語苦如藜

藜 艸也從艸嫂聲蘇老切

艸也者廣韻嫂藜藜草釋草藜藜注今藜藜也或

曰雞腸草本草藜藜味酸平陶云此菜人以作羹唐

本注云此草即是雞腸也多生濕地坑渠之側圖經

云葉似苜蓿而小夏秋間生小白黃花其莖梗作蔓

斷之有絲縷又細而中空似雞腸因得此名也又本

草雞腸草陶云小兒取授汁以將蜘蛛網至黏可黏
蟬唐本注云此草即繁萎是也

地黃也從草下聲禮曰鉞毛牛薶羊芩豕微是切侯古切

地黃也者釋艸文郭云一名地髓江東呼芩廣雅地

髓地黃也後燕錄苻后冬須生地黃下有司切責本

草均黃一名芩地髓一名一名芑生咸陽川澤黃土地者佳圖

經云二月生葉布地便出似車前葉上有車皺文而

不光高者及尺餘低者三四寸其葉似油麻花紅紫

色亦有黃花者其實作房如連翹子甚細而沙褐色

根如人手指通黃色麓細長短不常 禮曰云云者

公食大夫禮記文彼作苦鄭注苦苦茶也今文苦為

為芩士虞禮劔芩用苦若薇注云苦苦茶也古文苦

為枯今文或作芩特性饋食禮記劔芩用苦若薇作

注云苦苦茶也今文苦為芩芩乃地黃非也詩采菽

傳云菽可以芩太牢羊則苦豕則薇馥紫毛傳用苦

字亦不以為地黃

𦵑

白也從艸僉聲

良丹切

白蒼也者一切經音義云說文蒼白蒼也蔓生於野者也釋草菓菟荑本草白斂一名菟核嘉祐圖經云二月生苗多在林中作蔓赤莖葉如小桑五月開花七月結實根如雞鴨卵三五枚同窠皮赤黑肉白馥按別有赤斂烏斂故此稱白詩葛生斂蔓于野陸疏斂似枯樓葉盛而細其子正黑如燕奠不可食也幽州人謂之烏服其莖葉煮以哺牛除熱

𦵑

蒼或從斂

或從斂者夏統別傳斂初生合米擣作糝

𦵑

黃蒼也從艸金聲

巨今切

黃蒼也者俗作苓急就篇黃苓茯苓礬胡顏注黃苓一名空腸一名腐腸一名內虛一名妬婦廣雅菴着黃文內虛黃腸也本草黃苓一名妬婦蓋菴着之謠吳氏本草二月生葉兩兩四四相值莖空中或方或圓高三四尺四月花紫紅實五月實黑根黃范子

計然黃芩出三輔色黃者善寰宇記解州土產

黃芩

芩艸也從艸金今聲詩曰食野之芩巨切

艸也者詩鹿鳴釋文引作蒿也廣韻芩藥名荃草名似蒿二說互誤吳越春秋句踐嘗吳王溲惡後遂病口臭范蠡令左右食芩草亂其氣詩曰食野之芩者小雅鹿鳴文傳云芩草也陸疏芩草莖如釵股葉如竹蔓生澤中下地鹹處為草真實牛馬皆喜食之

鹿藿也從艸鹿聲讀若剽一曰蔽屬平表切

鹿藿也者廣雅同本草鹿藿唐本注云苗似豌豆有蔓而長大人取以為菜亦微有豆氣名為鹿豆也錢君大昕曰釋草藿鹿藿藿藿二字形聲全別然其致誤亦有由春秋楚子麋卒穀梁作卷卷麋聲相近蓋因藿譌為麋又以聲轉為藿耳詩陳風邶有旨芩傳云芩草也陸疏芩藿也幽州人謂之翹饒蔓生形如勞豆而細葉似蒺藜其莖葉綠色可生食如小豆

知小豆

藿也馥紫本草圖經言鹿藿亦堪生噉疑茗蘆聲相近蓋一物歟 一曰蔽屬者喪服傳疏屨者蘆蔽之菲也曲禮苞屨扱衽注云苞蘆也齊衰苞蒯之屨也子虛賦其高燥則生歲薪苞荔李善云苞蘆也六書故按記苞屨不入公門鄭氏曰苞蘆也說文曰苞艸也南陽以為麤履侗謂蔽屬即為履者馥紫蘆亦中為席玉篇蘆蔽屬可為席新唐書地理志靈昌縣貢蘆席



綬也從艸鷓聲詩曰邛有旨鷓是

五狄切

綬也者釋草文彼作鷓郭注小草有雜色似綬 詩曰邛有旨鷓是者陳風防有鷓巢文彼作鷓傳云鷓綬草也陸疏鷓五色作綬文故曰綬草



